

四庫全書

史部

欽定四庫全書

大唐開元禮卷四十

唐蕭嵩等撰

吉禮

祫享於太廟有司攝事

齋戒

陳設

省牲器

展裸

饋食

祭七祀

功臣配享

齋戒

宗廟三年一祫以孟冬將享有司卜日如別儀前享七日平明太尉誓百官於尚書省曰某月某日祫享於太廟各揚其職不供其事國有常刑凡預享之官散齋四

日致齋三日

散齋於正寢致齋二日於本司一  
日於齋坊其無本司者皆於齋坊

散齋理

事如舊惟不弔喪問疾不作樂不判署刑殺文書不行刑罰不預穢惡致齋惟享事得行其餘悉斷其享官已齋而闕者通攝行事諸享官致齋之日給酒食及明衣

各習禮於齋所光祿卿監取明水火

太官令取水於陰  
鑒取火於陽燧火

以供費水  
以實尊也

前祭一日諸衛令其屬未後一刻各以其方

器服守衛廟門

每門二人  
每隔一人

與太樂工人俱清齋一宿

### 陳設

前享三日守宮設享官公卿以下次於齋坊之內前享

二日太樂令設宮懸之樂於廟庭東方西方磬簾起北

鐘簾次之南方北方磬簾起西鐘簾次之設十二鈔鐘

於編懸之間各依辰位樹路鼓於北懸之內道之左右

植建鼓於四隅置祝敔於懸內

祝在左  
敔在右

設歌鐘歌磬於堂上

前楹間北向磬簠在西鐘簠在東其匏竹者立於階間

重行北面相對為首

凡懸皆展  
而編之

諸工人位於懸後東方西方以

北為上南方北方以西為上右校清掃內外前享一日

奉禮設享官公卿位於東門之內道北執事位於道南

每等異位俱重行西向以北為上設御史位於堂下一

位於東南南向一位於西南東向令史各陪其後設奉

禮位於樂懸東北贊者二人在南差退俱西面設協律

郎位於堂上前楹間近西東向設太樂令位於北懸之間北向設門外位享官公卿以下皆於東門之外道南每等異位重行北面西上設牲牐於東門之外當門西向以南為上設廩犧令位於牲西南史陪其後俱北向設諸太祝位於牲東各當牲後祝史陪其後俱西向設太常卿省牲位於牲前近北又設御史位於太常卿之西俱南向設尊彝之位於堂上每坐筭彝一黃彝一犧樽二象樽二著樽二山罍二在堂上皆於神座之左獻

祖太祖高祖高宗樽彝在前楹間北向懿祖代祖太宗

中宗睿宗樽彝在戶外南向各有玷焉

以置  
贊爵

其壺樽二太樽二

山罍四皆於堂下階間北向西上設簋鉶籩豆之位於

堂上俱東側階之北每坐二簋居前二簋次之次以三

登次以三鉶籩豆為後每坐異之皆以南為上屈陳而

下設洗於東陞東南北向罍水在洗東篚在洗西南肆

篚實以珪  
璜中爵

執樽罍篚冪者各位於樽罍篚冪之後享日

未明五刻太廟令服其服布昭穆之座於戶外自西序

以東獻祖太祖高祖高宗皆北廂南向懿祖代祖太宗  
中宗睿宗之坐皆南廂北向每坐皆設黼扆席紛純  
藻席績純次席黼純左右

省牲器

省牲之日午後十刻廟所諸衛之屬禁斷行人晡後二  
刻太廟令丞帥府史三人及齋郎以樽坩罍洗篚罍及  
籩豆盞鉶入設於位加以巾蓋

諸器物皆濯而陳之升堂者自東階

晡後三刻

諸太祝與廩犧令以牲就腍位謁者引太常卿贊引引

御史入詣東階升遍視滌濯於上

凡導引者每曲一邊巡於視濯執樽者舉

畢告

訖引降就牲位南向立廩犧令少前曰請省牲退

復位太常卿省牲廩犧令又前北面舉手曰牖還本位

諸太祝各循牲一匝西面舉手曰充俱還本位諸太祝

與廩犧令以次牽牲詣厨授太官謁者引光祿卿詣厨

省鼎鑊申視濯溉贊引引御史就厨省饌具

太常卿以下每事訖

各還

進饌者入徹籩豆簋鉶以出享日未明十五刻太

官令帥宰人以鸞刀割牲祝史各取毛血每座共實一

豆遂烹牲祝史洗肝於鬱鬯又取腍膋每座共實一豆  
遂置於饌所

晨裸

享日未明四刻諸享官各服其服太廟令良醢令各率

其屬入實樽壘

尊彝及五齊之上樽皆實以玄酒黃彝實以

鬱鬯犧樽實以汎齊象樽實以醴齊若樽實以盞  
齊壺樽實以醢齊太尊實以沈齊山罍實以清酒太官

令帥進饌者實諸邊豆簋簋未明三刻奉禮率贊者先  
入就位贊引引御史博士太廟令太祝官聞令及令史

祝史與執樽罍篚簋者入自東門當階間重行北面西

上立定奉禮曰再拜贊者承傳

凡奉禮有詞皆贊者承傳

御史以下

皆再拜執樽罍篚簋者各就位贊引引御史諸太祝詣

東陞升壇行掃除於上令史祝史行掃除於下訖引就

位太廟令帥其屬陳瑞物於廟庭泰階之西上瑞為前

上列次瑞次之下瑞為後列又陳伐國所得寶器上次

先後亦如之皆北面西上俱藉以席

所司各守之

未明二刻

陳腰輿於東陞之東每室各二俱西面北上立定贊引引

太廟令太祝宮闡令帥內外執事者以腰輿自東陞升堂詣獻祖室入開塹室太祝宮闡令奉出神主各置於輿出詣座前奉神主置於座訖引太廟令以下次奉出懿祖光皇帝次奉出太祖景皇帝次奉出代祖元皇帝次奉出高祖神堯皇帝次奉出太宗文武聖皇帝次奉出高宗天皇大帝次奉出中宗孝和皇帝次奉出睿宗大聖真皇帝神主皆如獻祖之儀

皇祖妣以下神主皆宮闡令奉出俱並而

處

右訖引太廟令以下各復位未明一刻謁者引各享官

俱就東門外位太樂令帥工人二舞次入就位文舞入

陳於懸內武舞立於懸南道西

其升堂皆脫屣于下降納如常

謁者

引司空入就位立定奉禮曰再拜司空再拜訖謁者引

司空詣東陞升堂行掃除於上降行樂懸於下訖引復

位初司空行樂懸謁者贊引各引享官以下次入就位

立定奉禮曰衆官再拜衆官在位者皆再拜

其先拜者不拜

謁

者進太尉之左白有司謹具請行事退復位協律郎跪

俯伏舉麾

凡取物皆跪俯伏而取以興奠物則奠訖俯伏而後興

鼓祝奏永和之

樂乃以黃鐘為宮大呂為角太簇為徵應鐘為羽作文

舞之舞樂舞九成

黃鐘三奏大呂太簇應鐘各再奏

奉禮曰衆官再拜衆

官在位者皆再拜謁者引太尉詣罍洗瓚訖謁者引太

尉升自東陛詣獻祖樽彝所執樽者舉畢太尉酌鬱酒

訖登歌作肅和之樂以圜鐘之均

自後登歌皆用圜鐘

謁者引太

尉進獻祖神座前北向跪以鬯裸地奠訖興謁者引太

尉少退北向再拜訖謁者引太尉詣懿祖樽彝所取瓚

於坫執樽者舉畢太尉酌鬱酒訖謁者引太尉詣懿祖

神座前南向跪以幣裸地奠訖興謁者引太尉少退南向再拜訖謁者引太尉次裸太祖次裸代祖次裸高祖次裸太宗次裸高宗次裸中宗次裸睿宗並如上儀訖登歌止謁者引太尉降復位初衆官拜訖祝史各奉毛血及肝膋之豆立於東門外齋郎奉爐炭蕭稷黍各立於肝膋之後於登歌止祝史奉毛血肝膋與奉爐炭蕭稷黍者以次入自正門升自泰階諸太祝各迎取毛血肝膋於陛上俱進奠於神坐前祝史退立於樽所齋郎

奉爐炭皆置於神座之左直神座間其蕭稷黍各置於  
爐炭下降自阼階以出諸太祝俱取肝膋燔於爐炭還  
樽

饋食

太尉既升裸太官令出帥進饌者奉饌陳於東門之外  
重行西向以南為上謁者引司徒出詣饌所司徒奉獻  
祖之俎初太尉既至位太官令引饌入自正門俎入門  
雍和之樂作以無射之均

自後接神之樂  
堂下皆奏無射

饌至泰階樂

止祝史各進跪徹毛血之豆降自阼階以出饌升諸太

祝迎引於陞上各設於神座前

邊豆蓋畢先徹乃升盥盥既奠却其蓋於下

設畢謁者引司徒以下降自阼階復位諸太祝各取蕭

稷黍孺於脂燭於爐炭還樽所謁者引太尉詣罍洗盥

手洗爵訖謁者引太尉升自阼階詣獻祖樽彛所執樽

者舉罍太尉酌汎齊訖光大之舞作謁者引太尉進獻

祖神座前北向跪奠爵少東興謁者又引太尉取爵於

坫酌汎齊訖謁者引入神座前北向跪奠爵少西進謁者

引太尉少退北向立樂止太祝持版進於神座之右東面跪讀祝文曰維某年歲次月朔日子孝曾孫開元神武皇帝某謹遣太尉某官臣某敢昭告於獻祖宣皇帝祖妣莊宣皇后張氏晷運環周歲序云及永懷追慕伏增遠感謹以一元大武柔毛剛鬣明粢薌合薌其嘉蔬嘉薦汎齊肅雍明獻恭備禋享尚饗

餘室祝文准此  
太祖以下稱臣

訖興太尉再拜訖又再拜初讀祝文訖樂作太祝進奠版於神座還樽所太尉再拜訖樂止謁者引太尉詣懿

祖樽彝所取爵於坫執樽者舉罍太尉酌汎齊訖長發  
之舞作謁者引太尉詣懿祖神座前南面跪奠爵少西  
興謁者又引太尉取爵於坫酌汎齊訖謁者引進神座  
前南向跪奠爵少東興謁者引太尉少退南向立樂止太祝  
持版進於神座之右西向跪讀祝文訖興太尉再拜訖  
又再拜初讀祝文訖樂作太祝進奠版於神座還樽所  
太尉再拜訖樂止謁者引太尉詣太祖樽彝所取爵於  
坫執樽者舉罍太尉酌汎齊訖大政之樂作謁者引太

尉進太祖神座前北向跪奠爵少東訖興謁者又引太尉取爵於玷酌汎齊訖謁者引進神座前北向跪奠爵少西訖興謁者引太尉少退北向立樂止太祝持版進於神座之右東面跪讀祝文訖興太尉再拜訖又再拜初讀祝文訖樂作太祝進奠版於神座還樽所太尉再拜訖樂止謁者引太尉詣代祖樽彝所取爵於玷執樽者舉罍太尉酌汎齊訖大成之舞作謁者引太尉進代祖神座前南向跪奠爵少西興謁者又引太尉取爵於

圻酌汎齊訖謁者引進神座前南向跪奠爵少東興謁者引太尉少退南向立樂止太祝持版進於神座之右西向跪讀祝文訖興太尉再拜訖又載拜初讀祝文訖樂作太祝進奠版於神座還樽所太尉再拜訖樂止謁者引太尉詣高祖尊彝所取爵於圻執尊者舉幕太尉酌汎齊訖大明之舞作謁者引太尉進高祖神座前北向跪奠爵少東興謁者又引太尉取爵於圻酌汎齊訖謁者引進神座前北向跪奠爵少西興謁者引太尉少

退北向立樂止太祝持版進於神座之右東向跪讀祝文訖興太尉再拜訖又再拜初讀祝文訖樂作太祝進奠版於神座還樽所太尉再拜訖樂止謁者引太尉詣太宗尊彝所取爵於坫執尊者舉冪太尉酌汎齊訖崇德之舞作謁者引太尉進太宗神座前南向跪奠爵少西興謁者又引太尉取爵於坫酌汎齊訖謁者引進神座前南向跪奠爵少東興謁者引太尉少退南向立樂止太祝持版進於神座之右西向跪讀祝文訖太尉再

拜訖又再拜初讀祝文訖樂作太祝進奠版於神座還  
尊所太尉再拜訖樂止謁者引太尉詣高宗尊彛所取  
爵於坫執尊者舉罍太尉酌汎齊訖鈞天之舞作謁者  
引太尉進高宗神座前北向跪奠爵少東興謁者又引  
太尉取爵於坫酌汎齊訖謁者引進神座前北面跪奠  
爵少西興謁者引太尉少退北向立樂止太祝持版進  
於神座之右東向跪讀祝文訖太尉再拜訖又再拜初  
讀祝文訖樂作太祝進奠版於神座還尊所太尉再拜

訖樂止謁者引太尉詣中宗尊彛所取爵於坫執尊者  
舉冪太尉酌汎齊訖文和之舞作謁者引太尉進中宗  
神座前南向跪奠爵少西興謁者又引太尉取爵於坫  
酌汎齊訖謁者引進神座前南向跪奠爵少東興謁者  
引太尉少退南向立樂止太祝持版進於神座之右西  
向跪讀祝文訖太尉再拜訖又再拜初讀祝文訖樂作  
太祝進奠版於神座太尉再拜訖樂止謁者引太尉詣  
睿宗尊彛所取爵於坫執尊者舉冪太尉酌汎齊訖景

雲之舞作謁者引太尉進睿宗神座前北向跪奠爵少  
東興謁者又引太尉取爵於坩酌汎齊訖謁者引進神  
座前北向跪奠爵少西興謁者引太尉少退北向立樂  
止太祝持版進於神座之右東向跪讀祝文訖太尉再  
拜訖又再拜初讀祝文訖樂作太祝進奠版於神座還  
尊所太尉再拜訖樂止謁者引太尉詣東序西向立諸  
太祝各以爵酌壘福酒合置一爵一太祝持爵進太尉  
之左北向立太尉再拜受爵跪祭酒啐酒奠爵興諸祝

史各率齋郎進俎太祝減神前三牲胙肉

皆取前脚第二骨加

於俎又以籩取稷黍飯興還尊所以胙肉各共置一俎  
上以飯共置一籩以飯授太尉太尉受以授齋郎又以  
三牲胙肉以次授太尉太尉每受以授齋郎太尉跪取  
爵遂飲卒爵太祝進受爵復於牀太尉興再拜謁者引  
太尉降復位文舞出鼓枹作舒和之樂出訖戛敔樂止  
武舞入鼓枹作舒和之樂立定戛敔樂止初太尉將復  
位謁者引太常卿詣壘洗盥手洗爵謁者引太常卿升

自阼階詣獻祖尊彝所執尊者舉冪太常卿酌醴齊武  
舞作謁者引太常卿進獻祖神座前北面跪奠爵少東  
興謁者引太常卿少退北向再拜訖謁者引太常卿又  
詣尊彝所酌醴齊訖進神座前北面跪奠爵少西興謁  
者引太常卿詣懿祖神座前南向跪奠爵少西興謁者  
引太常卿少退北向再拜訖謁者引太常卿又詣尊彝  
所酌醴齊訖進神座前南向跪奠爵少東興謁者引太  
常卿南面再拜訖謁者引太常卿次獻太祖次獻代祖

次獻高祖次獻太宗次獻高宗次獻中宗次獻睿宗如  
上儀訖謁者引太常卿詣東序西向立諸太祝各以爵  
酌罍福酒合置一爵一太祝持爵進太常卿之左北向  
立太常卿再拜受爵跪祭酒遂飲卒爵太祝進受爵復  
於坵太常卿興再拜訖初謁者引太常卿獻將畢謁者  
引光祿卿詣罍洗盥手洗爵酌盞齊終獻如亞獻之儀  
訖引光祿卿降復位武舞止登歌作諸太祝各進徹豆  
還尊所登歌止奉禮曰賜胙贊者唱衆官再拜衆官在

位者皆再拜樂一成止謁者進太尉之左白禮畢謁者贊引各引享官以出贊引引御史太祝以下俱復執事位立定奉禮曰再拜御史以下皆再拜贊引引出工人二舞以次出太廟令與太祝官聞令帥腰輿升殿納神主如常儀其祝版燔於齋坊

祭七祀

具曰總祭如臘享儀

功臣配享

如裕享儀

大唐開元禮卷四十

欽定四庫全書

大唐開元禮卷四十一

唐蕭嵩等撰

吉禮

皇帝禘享於太廟

齋戒

陳設

省牲器

鑾駕出宮

晨裸

饋食

祭七祀

功臣配享

鑾駕還宮

齋戒

宗廟五年一禘以孟夏將享有司卜日如別儀前享七日平明太尉誓百官於尚書省曰某月某日禘享於太廟各揚其職不供其事國有常刑皇帝散齋四日於別殿致齋三日於太極殿前致齋一日尚舍奉御設御幄於太極殿西序及室內東向尚舍直長張幃於前楹下致齋之日質明諸衛勒所部屯門列仗晝漏上水一刻

侍中版奏請中嚴諸衛之屬各督其隊入陳於殿庭如  
常儀通事舍人引文武五品以上袴褶陪位如式諸侍  
衛之官各服其器服諸侍臣並結珮俱詣閣奉迎侍中  
版奏外辦上水三刻皇帝服通天冠絳紗袍結珮乘輿  
出自西房曲直華蓋警蹕侍衛如常儀皇帝即御座東  
向坐侍臣夾侍如常一刻頃侍中前跪奏稱侍中臣  
某言請降就齋室俯伏興復侍位皇帝降座入室文武  
侍臣各還省直衛者如常通事舍人引陪位者以次出

凡預享之官散齋四日致齋三日

散齋皆於正寢致齋二日於本司一日於

齋所其無本司者皆於享所

近侍之官應從升者及從享羣官諸方

客使各於本司及公館九廟子孫各於其第俱清齋一

宿

無本司者皆於正寢

散齋理事如舊惟不弔喪問疾不作樂不

判署刑殺文書不行刑罰不預穢惡致齋惟享事得行

其餘悉斷其享官已齋而闕者通攝行事諸享官致齋

之日給酒食及明衣各習禮於齋坊光祿卿監取明水

火

太官令取水於陰鑒取火於陽燧火以供爨水以甯尊

前享一日諸衛令其屬

未後一刻各以其方器服守衛廟門

每門二人  
每隅一人

與太樂

工人俱清齋一宿

### 陳設

前享三日上舍直長施大次於廟東門之外道北南向  
尚舍奉御鋪御座守宮設文武侍臣次於大次之後文  
官在左武官在右俱南向設諸享官次於齋坊之內九  
廟子孫於齋坊內近南西向北上文官九品以上於齋  
坊之內東方南方蕃客又於其南俱每等異位重行西

向北上介公鄴公於廟西門之外近南武官九品以上於

介公鄴公之南西方北方蕃客又於其南俱每等異位重

行東向北上

其袞聖侯于文官三品之下若有諸州使人分方位於文武官之後

前享二

日太樂令設宮懸之樂於廟庭東方西方磬簾起北鐘

簾次之南方北方磬簾起西鐘簾次之設十二鐃鐘於

編懸之間各依辰位樹路鼓於北懸之內道之左右植

建鼓於四隅置祝敔於懸內

祝在左敔在右

設歌鐘歌磬於廟

堂之上前楹間北向磬簾在西鐘簾在東其匏竹者立

於階間重行北向相對為首

凡懸皆展而編之

諸工人各位於

懸後東方西方以北為上南方北方以西為上右校清  
掃內外前享一日奉禮設御位於廟堂東階東南南向  
設享官公卿位於東門之內道南執事者位於其後每  
等異位俱重行西向以北為上設御史位於廟堂之下  
一位於東南南向一位於西南東向令史各陪其後設  
奉禮位於樂懸東北贊者二人在南差退俱西面設協  
律郎位於廟堂之上前楹之間近西東向設太樂令位

於北懸之間北向設從享之官位九廟之子孫於享官

公卿之南昭穆異位

雖有貴者以齒

文官九品以上位於子孫

之南東方南方蕃客又於其南俱每等異位重行西面

北上介公鄴公位西門之內道南武官九品以上於介公鄴

公之南少西當文官西方北方藩客又於其南俱每等

異位重行東面北上

其襲聖侯位於文官三品之下若有諸州使人分方位于文武官之

後設門外位享官公卿以下皆於東門之外道南每等

異位重行北面西上子孫之位於享官公卿之東少南

文官九品以上於子孫之東東方南方蕃客又於其東俱  
每等異位重行北面西上設介公鄴公位於西門之外道  
南武官九品以上於介公鄴公之西少南西方北方蕃客又  
於其西俱每等異位重行北面東上

其褒聖侯位於文  
官三品之下若有

諸州使人分方位  
於文武官之後

設牲牐於東門之外當門西向以南

為上設廩犧令位於牲牐西南史陪其後俱北向設  
諸太祝位於牲東各當牲後祝史各陪其後俱西向設  
太常卿省牲位於牲前近北又設御史位於太常卿之

西俱南向設樽彝之位於廟堂之上下每座雞彝一鳥  
彝一犧樽二象樽二著樽二壺樽二山罍二在堂上皆  
於神座之左獻祖太祖高祖高宗樽彝在前楹間北向  
懿祖代祖太宗中宗睿宗樽彝在戶外南向各有玷焉  
以置  
瓚爵其壺樽二太樽二山罍四皆在堂下階間北向西  
上設簋簠登豆之位於堂上俱東側階之北每座四  
簋居前四簋次之次以六登次以六鉶籩豆為後每座  
異之皆以南為上屈陳而下設御洗於東陞東南亞獻

之洗又於東南俱北向罍水在洗東篚在洗西南肆

篚實

以珪瓚  
中爵

執樽罍篚罍各位於樽罍篚罍之後享日未明

五刻太廟令服其服布昭穆之座於戶外自西序以東  
獻祖太祖高祖高宗座皆在北廂南面懿祖代祖太宗  
中宗睿宗座皆南廂北面每座皆設黼扆莞席紛純藻  
席畫純次席黼純左右几

### 省牲器

省牲之日午後十刻廟所諸衛之屬禁斷行人太廟令

整拂神幄座晡後二刻太廟令丞帥府史三人及齋郎以

樽坵壘洗篚罍及邊豆簋盞鉶入設於位加以巾蓋

諸器

物皆濯而陳之其升堂者自東階

晡後三刻諸太祝與廩犧令以牲就

勝位謁者引太常卿贊引引御史詣東陛升遍視滌濯

於上

凡導引者每曲一逡巡於視濯執尊者皆舉罍告潔

訖引降就省牲位南向

立廩犧令少前曰請省牲退復位太常卿省牲廩犧令

又前北面舉手曰膺還本位諸太祝巡牲一匝西面舉手

曰充俱還本位諸太祝與廩犧令以次牽牲就厨授太

官謁者引光祿卿詣厨省鼎鑊申視濯漑贊引引御史

就厨省饌具

太常卿以下每事訖各還齋所

進饌者入徹籩豆簋鉶以

出享日未明十五刻太官令帥宰人以鸞刀割牲祝史

各取毛血每座共實一豆遂烹牲祝史洗肝於鬱鬯又

取胾臂每坐共實一豆俱置於饌所

胾臂腸間脂也

### 鑾駕出宮

前出宮三日本司宣攝內外各供其職守宮設從享羣

官五品以上次於承天門外東西朝堂如常前二日太

樂令設宮懸之樂於殿庭如常儀

駕出懸而不作

享日未明七

刻槌一鼓為一嚴

三嚴時節前一  
日侍中奏裁

侍中奏開宮殿門及

城門未明五刻槌二鼓為再嚴侍中版奏請中嚴奉禮

設從享羣官五品以上位文官於東朝堂之前西向武

官於西朝堂之前東向俱重行北上從享官五品以上

俱集朝堂次各服其服

其六品以下及介公鄴公九廟  
子孫褒聖侯諸方客使等並駕

發之前預赴享所  
俱就次各服其服

所司陳大駕鹵簿如別儀未明二刻

槌三鼓為三嚴諸衛之屬各督其隊與鈸戟以次入陳

於殿庭謁者引從享羣官各就朝堂前位諸侍衛之官

各服其器服侍中中書令以下俱詣西階奉迎

侍中負璽如式

乘黃令進玉輅於太極殿西階之前南向千牛將軍一

人執長刀立於輅前北向黃門侍郎一人在宮臣之前

贊者二人又在黃門侍郎之前侍中版奏外辦太僕卿

奮衣而升正立執轡皇帝袞冕乘輿以出降自西階稱

警蹕如常儀千牛將軍前執轡皇帝升路太僕卿立授

綏侍中中書令以下夾侍如常黃門侍郎進當鑾駕前

跪奏稱黃門侍郎臣某言請鑾駕發引俯伏興退復位

黃門侍郎奏請皆進當鑾駕前  
跪奏稱某官臣某言訖俯伏興鑾駕動稱警蹕黃門侍

郎與贊者夾引以出十牛將軍夾輅而趨駕出承天門

至侍臣上馬所黃門侍郎奏稱請鑾駕權停勅侍臣上

馬侍中前承制退稱制曰可黃門侍郎退稱侍臣上馬

贊者承傳文武侍臣皆上馬諸侍衛之官各督其屬左

右翊駕在黃麾內符寶郎奉六寶與殿中監後部從在

黃鉞內侍中中書令以下夾侍於輅前贊者在供奉官

人內侍臣上馬畢黃門侍郎奏稱請勒車右升侍中前承制退稱制曰可黃門侍郎退復位千牛將軍升訖黃門侍郎奏稱請鑾駕發引退復位鑾駕動稱警蹕鼓傳音如常不鳴鼓吹不得諠譁其從享之官在玄武隊後如常儀

### 晨裸

享日未明四刻諸享官各服其服太廟令良醞令各帥

其屬入實樽壘

雞彝及諸齊之上樽皆實以明水山壘之上樽實以玄酒鳥彝實以鬱鬯犧樽實以汎齊

象樽實以醴齊著樽實以盎齊壺樽實以醢齊太樽實以沈齊山罍實以清酒也 太官令帥進饌者

實諸遵豆簋簠未明三刻奉禮帥贊者先入就位贊引引

御史博士太廟令太祝宮闈令及令史祝史與執樽罍篚

簋者入自東門當階間重行北面西上立定奉禮曰再

拜贊者承傳

凡奉禮有詞贊者皆承傳

御史以下皆再拜訖執樽罍

篚簋者各就位贊引引御史諸太祝詣東階各就位太

廟令帥其屬陳瑞物於廟庭太階之西上瑞為前列次

瑞次之下瑞為後列又陳伐國所得寶器上次先後亦

如之皆北面西上俱藉以席

所司皆各守之

未明二刻陳腰輿

於東階之東每室各二皆西向北上立定贊引引御史

太廟令太祝官闌令帥內外執事者以腰輿自東陞升

詣獻祖室入開堦室太祝官闌令奉出神主各置於輿

出詣座前奉神主置於位訖引太廟令以下次奉出懿

祖次奉出太祖次奉出代祖次奉出高祖次奉出太宗

次奉出高宗次奉出中宗次奉出睿宗神主置於座如

獻祖之儀

皇祖妣以下神主皆宮闈令奉出俱並座處右

訖引太廟令以下降復

位駕將至謁者贊引各引享官通事舍人分別九廟子  
孫及從祀羣官諸方客使先至者俱就門外位駕至大  
次門外迴輅南向將軍降立於輅右侍中進當鑾駕前  
跪奏稱侍中臣某言請降輅俯伏興還侍位皇帝降輅  
乘輿之大次繖扇華蓋侍衛如常儀太祝令以祝版進  
御署訖近臣奉出太廟令受各奠於坫謁者引文武五  
品以上從享之官皆就門外位太樂令帥工人二舞入就位  
文舞入陳於懸內武舞立於懸南道西

其升堂者脫屣於下降納如常謁者

引司空入就位立定奉禮曰再拜司空再拜訖謁者引

詣東陛升堂行掃除於上降行樂懸於下訖引復位初

司空行樂懸謁者贊引各引享官及九廟子孫從享羣

官諸方客使次入就位皇帝停大次半刻頃太常博士

引太常卿立於大次門外當門北向侍中版奏外辦皇

帝出次華盖侍衛如常儀

侍中負璽陪從如式

博士引太常卿太

常卿引皇帝

凡太常卿前導皆博士先引

至廟門外殿中監進鎮珪

皇帝執鎮珪華盖仗衛停於門外近侍者從入如常皇

帝至版位西向立

每立定太常卿與博士退立於左

太常卿前奏稱請再拜

退復位皇帝再拜奉禮曰衆官再拜衆官在位者皆再

拜

其先拜者不拜

太常卿前奏有司謹具請行事退復位協律

郎跪俯伏舉麾

凡取物者皆跪俯伏而取以興奠物則奠訖而後興

鼓祝奏永和

之樂乃以黃鐘為宮大呂為角太簇為徵應鐘為羽作

文德之舞樂舞九成

黃鐘三奏大呂太簇應鐘各再奏

偃麾戛敔樂止

凡樂皆協

律郎舉麾工鼓祝而後作偃麾戛敔而後止

太常卿前奏稱請再拜退復位

皇帝再拜奉禮曰衆官再拜衆官在位者皆再拜太常

卿引皇帝詣壘洗太和之樂作

皇帝每行皆作太和之樂

皇帝至壘

洗樂止侍中跪取匱興沃水又侍中跪取盤承水皇帝

搢鎮珪

凡受物則搢鎮珪奠訖執珪俯伏興

皇帝盥手黃門侍郎跪取巾

於篚興進皇帝悅手訖黃門侍郎受巾跪奠於篚黃門

侍郎又取瓚於篚興進皇帝受瓚侍中酌壘水又侍中

奉盤皇帝洗拭瓚訖侍中奠盤匱黃門侍郎受巾奠於

篚皆如常太常卿引皇帝樂作皇帝升自阼階樂止侍

中中書令以下及左右侍衛量人從升

以下皆如之

太常卿

引皇帝詣獻祖樽彝所執樽者舉罍侍中贊酌鬱鬯酒  
訖登歌作肅和之樂以圜鐘之均

自後登歌皆歌圜鐘

太常卿引

皇帝詣獻祖神坐前北面跪以鬯裸地奠之俯伏興太  
常卿引皇帝少退北面再拜訖太常卿引皇帝詣懿祖  
樽彝所執樽者舉罍侍中取瓚於玷進皇帝受瓚侍中  
贊酌鬱鬯酒訖太常卿引皇帝詣懿祖神座前南向跪  
以鬯裸地奠之俯伏興太常卿引皇帝少退南向再拜  
訖太常卿引皇帝次裸太祖次裸代祖次裸高祖次裸

太宗次裸高宗次裸中宗次裸睿宗皆如上儀登歌止太常卿引皇帝樂作皇帝降自阼階還版位西向立樂止初羣官再拜訖祝史各奉毛血之豆及肝膋之豆立於東門外齊郎奉爐炭蕭稷黍各立於肝膋之後於登歌止祝史奉毛血肝膋與奉爐炭蕭稷黍者以次入自正門升自泰階諸太祝各迎取毛血肝膋於階上俱入奠於神座前祝史太祝立於樽所齊郎奉爐炭皆置於室戶外之左其蕭稷黍各置於爐炭下降自阼階以出諸太祝俱取肝出戶燔於爐炭還樽所

饋食

皇帝既升裸太官令出帥進饌者奉饌陳於東門之外重行  
西向以南為上謁者引司徒出詣饌所司徒奉獻祖之俎初  
皇帝既至位樂止太官令引饌入自正門俎初入門雍和之

樂作以無射之均

自後接神之樂  
堂下皆奏無射

饌至泰階樂止祝史俱進

徹毛血之豆降自阼階以出饌升諸太祝迎引於陞上各設

於神座前

邊豆蓋幕先徹乃升盥  
盥既奠却其盞於下

設訖謁者引司徒以下降

自阼階復位諸太祝各取蕭稷黍孺於脂燭於爐炭還樽所

太常卿引皇帝詣壘洗樂作皇帝至壘洗樂止皇帝盥手  
洗爵侍中黃門侍郎贊洗如晨裸之儀訖太常卿引皇帝樂  
作皇帝升自阼階訖樂止太常卿引皇帝詣獻祖樽彝所執  
樽者舉纂侍中取爵於坫進前皇帝受爵侍中贊酌汎齊  
訖光大之舞作太常卿引皇帝詣獻祖神座前北向跪奠爵  
少東俯伏興太常卿又引皇帝取爵於坫酌汎齊訖太常卿  
引皇帝詣神座前北向跪奠爵少西訖太常卿引皇帝少退  
北向立樂止太祝持版進於神座之右東面跪讀祝文曰維

某年歲次月朔日子孝曾孫開元神武皇帝某敢昭告於獻  
祖宣皇帝祖妣宣莊皇后張氏晷度環周歲序云及永懷追  
慕伏增遠感謹以一元大武柔毛剛鬣明粢鄉合鄉其嘉蔬  
嘉薦泛齊肅雍明獻祇薦禘事尚饗

餘室祝文准此  
太祖以下稱臣

訖興皇

帝再拜訖初讀祝文訖太祝進奠版於神座出還樽所皇帝  
拜訖樂止太常卿引皇帝詣懿祖樽彝所執樽者舉罍侍中  
取爵於坫進前皇帝受爵侍中贊酌汎齊訖長發之舞作太  
常卿引皇帝詣懿祖神座前南向跪奠爵少西俯伏興太常

卿又引皇帝出取爵於坫酌汎齊訖太常卿引皇帝詣神  
座前南向跪奠爵少東興太常卿引皇帝少退南向立樂  
止太祝持版進於座右西面跪讀祝文訖興皇帝再拜訖  
又再拜初讀祝文訖樂作太祝進奠版於神座還樽所太  
常卿引皇帝詣太祖樽彝所執樽者舉罍侍中取爵於坫  
進前皇帝受爵侍中贊酌汎齊訖太常卿引皇帝詣神座  
前北向跪奠爵少東俯伏興太常卿又引皇帝取爵於坫  
酌汎齊訖太常卿引皇帝詣神座前北向跪奠爵少西訖

興太常卿引皇帝少退北向立樂止太祝持版進於座右東面讀祝文訖興皇帝再拜訖又再拜初讀祝文訖樂作太祝持版奠於神座出還樽所皇帝拜訖樂止太常卿引皇帝詣代祖樽彝所執樽者舉羃侍中取爵於坫進前皇帝受爵侍中贊酌汎齊訖大成之舞作太常卿引皇帝詣代祖神座前南向跪奠爵少西俯伏興太常卿又引皇帝取爵於坫酌汎齊訖太常卿引皇帝進詣神座前南向跪奠爵少東訖興太常卿引皇帝少退南向立樂止太祝持版進於座右

西向跪讀祝文訖興皇帝再拜訖又再拜初讀祝文訖樂作太祝進奠版於神座還樽所皇帝拜訖樂止太常卿引皇帝詣高祖樽彛所執樽者舉罍侍中取爵於坫進前皇帝受爵侍中贊酌汎齊訖大明之舞作太常卿引皇帝詣高祖神座前北面跪奠爵少東俯伏興太常卿引皇帝取爵於坫酌汎齊訖太常卿引皇帝進詣神座前北向跪奠爵少西訖興太常卿引皇帝少退北向立樂終八節止太祝持版進於座右東面跪讀祝文訖興

皇帝再拜訖又再拜初讀祝文訖樂作太祝進奠版於神座還樽所皇帝拜訖曲終樂止太常卿引皇帝詣太宗樽彝所執樽者舉冪侍中取爵於坫進前皇帝受爵侍中贊酌汎齊訖崇德之舞作太常卿引皇帝進詣太宗神座前南向跪奠爵少西俯伏興太常卿引皇帝出取爵於坫酌汎齊訖太常卿引皇帝進詣神座前南向跪奠爵少東訖興太常卿引皇帝少退南向立樂終八節止太祝持版進於座右西面跪讀祝文訖興皇帝再

拜訖又再拜初讀祝文訖樂作太祝進奠版於神座還  
樽所皇帝拜訖曲終樂止太常卿引皇帝詣高宗樽彝  
所執樽者舉罍侍中取爵於坩進前皇帝受爵侍中贊酌  
汎齊訖鈞天之舞作太常卿引皇帝進高宗神座前北  
向跪奠爵少東俯伏興太常卿又引皇帝取爵於坩酌  
汎齊訖太常卿又引皇帝進神座前北向跪奠爵少西  
俯伏興太常卿引皇帝少退北向立樂終八節止太  
祝持版進於座右東向跪讀祝文訖興皇帝再拜訖又

再拜初讀祝文訖樂作太祝進奠版於神座還樽所皇  
帝再拜訖樂止太常卿引皇帝詣中宗樽彝所執樽者  
舉罍侍中取爵於坫進前皇帝受爵侍中贊酌汎齊訖文  
和之舞作太常卿引皇帝進中宗神座前南面跪奠爵  
少西俯伏興太常卿引皇帝取爵於坫酌汎齊訖太常  
卿引皇帝進神座前南向跪奠爵少東俯伏興太常卿  
引皇帝少退南向立樂終八節止太祝持版進於座右  
西向跪讀祝文訖興皇帝再拜訖又再拜初讀祝文訖

樂作太祝進奠版於神座還樽所皇帝拜訖曲終樂止  
太常卿引皇帝詣睿宗樽彛所執樽者舉罍侍中取爵  
於坫進前皇帝受爵侍中贊酌汎齊訖景雲之舞作太常  
卿引皇帝進睿宗神座前南向跪奠爵少西俯伏興太  
常卿又引皇帝取爵於坫酌汎齊訖太常卿引皇帝進  
神座前南向跪奠爵少東俯伏興太常卿引皇帝少退南  
向立樂終八節止太祝持版進於神座之右西面跪讀  
祝文訖興皇帝再拜訖又再拜初讀祝文訖興樂作太祝

進奠版於神座還樽所皇帝拜訖曲終樂止太常卿引  
皇帝詣東序西向立壽和之樂作皇帝獻將畢謁者引  
司徒詣東階升立於前楹間北面東上皇帝獻訖諸  
太祝各以爵酌上樽福酒合置一爵一太祝持爵授  
侍中侍中受爵北向進皇帝再拜受爵跪祭酒啐  
酒奠爵俯伏興諸太祝各帥齊郎持俎進太祝減神前  
三牲胾肉各取前脚第二肯加於俎又以籩取稷黍飯還樽所  
以胾肉各共置一俎上以飯共置一籩以飯授司徒司

徒奉進皇帝受以授左右太祝又以胙肉授司徒司徒受俎  
以次進皇帝每受以授左右贊引謁者引司徒降復位皇  
帝跪取爵遂飲卒爵侍中進受虛爵以授太祝復於站  
皇帝俯伏興再拜樂止太常卿引皇帝樂作皇帝降自  
阼階還版位西向立樂止文舞出鼓柷作舒和之樂出  
訖戛敔樂止武舞入鼓柷作舒和之樂立定戛敔樂止  
初皇帝將復位謁者引太尉詣罍洗盥手洗爵訖謁者  
引太尉升自阼階詣獻祖樽彝所執樽者舉罍太尉酌

醴齊武舞作謁者引太尉詣獻祖神座前北向跪奠爵  
少東興謁者引太尉北向再拜謁者又引太尉取爵於  
坫酌醴齊訖謁者引太尉詣神座前北向跪奠爵少西  
訖興謁者引太尉少退北面再拜訖謁者引太尉次詣  
懿祖樽彝所取爵於坫執樽者舉簠太尉酌醴齊訖謁  
者引太尉詣懿祖神座前南向跪奠爵少西興謁者引  
太尉少退南向再拜謁者又引太尉取爵於坫酌醴齊  
訖謁者引太尉詣神座前南向跪奠爵少東訖興謁者

引太尉少退南面又再拜訖謁者又引太尉次獻太祖  
次獻代祖次獻高祖次獻太宗次獻高宗次獻中宗次  
獻睿宗並如上儀訖謁者引太尉詣東序西向立諸太祝各  
以爵酌壘福酒合置一爵一太祝持爵進太尉之左北向立  
太尉再拜受爵跪祭酒遂飲卒爵太祝進受虛爵復於坵太  
尉興再拜謁者引太尉降復位初太尉獻將畢謁者引光祿  
卿詣壘洗盥洗升酌盞齊終獻如亞獻之儀訖引光祿卿降  
復位武舞止登歌作雍和之樂諸太祝各入室徹豆還

樽所

徹者遵豆各一少移於故處

登歌止奉禮曰賜胙贊者唱衆官

再拜衆官在位者皆再拜

已飲福者不拜

永和之樂作太常卿

前奏稱請再拜退復位皇帝再拜奉禮曰衆官再拜衆

官在位者皆再拜樂一成止太常卿前奏禮畢太常卿

引皇帝還大次樂作皇帝出門樂止殿中監前受鎮珪

華盖侍衛如常儀謁者贊引各引享官九廟子孫及從

享羣官諸方客使以次出贊引引御史太祝以下俱復

執事位立定奉禮曰再拜御史以下皆再拜贊引引出

工人二舞以次出太廟令與太祝宮闈令納神主如常儀其祝版燔於齋坊

祭七祀

其日總祀如臘享

功臣配享

如祫享儀

鑾駕還宮

皇帝既還大次侍中版奏請解嚴

將士不得輒離部位

皇帝停大

次一刻頃起一鼓為一嚴轉仗衛於還塗如來儀三刻頃起二鼓為再嚴將士布隊仗侍中版奏請中嚴皇帝

服通天冠絳紗袍諸享官服朝服五刻頃搥三鼓為三  
嚴謁者贊引各引享官客使序立於大次前近南文武  
近臣詣大次奉迎乘黃令進金輅於大次門外南向千  
牛將軍立於路右侍中版奏外辦太僕卿升執轡皇帝  
乘輿出次繼扇侍衛警蹕如常儀皇帝升輅太僕卿立  
授綬黃門侍郎奏稱請鑾駕發引退復位鑾駕動稱警  
蹕如常儀黃門侍郎贊者夾引千牛將軍夾路而趨至  
侍臣上馬所黃門侍郎奏稱請鑾駕權停勅侍臣上馬

侍中前承制退稱制曰可黃門侍郎退稱侍臣上馬贊者承傳文武侍臣皆上馬畢黃門侍郎奏稱請勅車右升侍中稱制曰可黃門侍郎退復位千牛將軍升訖黃門侍郎奏稱請鑾駕發引退復位鼓傳音鑾駕動鼓吹振作而還文武羣官皆從如來儀諸方客使便還館駕至承天門至侍臣下馬所鑾駕權停文武侍臣皆下馬千牛將軍降立於輅右訖鑾駕動千牛將軍夾路而趨駕入嘉德門太樂令令撞蕤賓之鐘左右五鐘皆應鼓

祝奏采茨之樂至太極門戛敔樂止入太極門鼓祝奏  
太和之樂駕至橫街北當東上閣迴輅南向侍中進當  
鑾駕前跪奏稱侍中臣某言請降輅俯伏興還侍位皇  
帝降輅乘輿以入繖扇侍衛警蹕如常儀侍臣從至閣  
戛敔樂止初文武羣官至東朝堂通事舍人承旨勅羣  
官並還皇帝既入侍中版奏請解嚴叩鉦將士各還其  
所

大唐開元禮卷四十一

欽定四庫全書

大唐開元禮卷四十二

唐 蕭嵩等 撰

吉禮

禘享於太廟有司攝事

齋戒

陳設

省牲器

晨裸

饋食

祭七祀

齋戒

宗廟五年一禘以孟夏將享有司卜日如別儀享前七日平明太尉誓百官於尚書省曰某月某日禘於太廟各揚其職不供其事國有常刑凡預享之官散齋四日

致齋三日

散齋皆於正寢致齋二日於本司一日於享所其無本司者於享所散齋理事

如故唯不弔喪問疾不作樂不判署刑殺文書不行刑罰不預穢惡致齋唯享事得行其餘悉斷其享官已齋而闕者通攝行事致齋之日官給酒食及明衣各習禮於齋所光祿卿監取明水火

太官令取水於陰鑒取水於陽燧火以供爨水

以實

前享一日諸衛令其屬未後一刻各以其方器服

守衛廟門

每門二人  
每隅一人

與太樂工人俱清齋一宿

陳設

前享三日守宮設享官公卿以下次於齋坊之內前享

二日太樂令設宮懸之樂於廟庭東方西方磬簠起北

鐘簠次之南方北方磬簠起西鐘簠次之設十二罇鐘

於編懸之間各依辰位樹路鼓於北懸之內道之左右

植建鼓於四隅置祝敔於懸內祝在左敔在右設歌鐘

歌磬於廟堂之上前楹間北向磬簾在西鐘簾在東其

匏竹者立於階間重行北向相對為首

几懸皆展而編之

諸工

人各位於懸後東方西方以北為上南方北方以西為上右校清掃內外前享一日奉禮設享官公卿位於東門之內道北執事位於道南每等異位俱重行西面以北為上設御史位於廟堂之下一在東南西向一在西南東向令史各陪其後設奉禮位於樂懸東北贊者二人

在南差退俱西而設協律郎位於廟堂之上前楹近西東

向設太樂令位於北懸之間北向設門外位享官公卿  
以下皆於東門之外道南每等異位重行北面西上設  
牲牐於東門之外當門西向以南為上設廩犧令位於牲  
西南史陪其後俱北向設諸太祝位於牲東各當牲後  
祝史陪其後俱西向設太常卿省牲位於牲前近北又  
設御史位於太常卿之西俱南向設樽彝之位於廟堂  
之上下每座鷄彝一鳥彝一犧樽二著樽二壺樽二在  
堂上皆於神座之左

各有站馬  
以置瓚爵

其太樽二山罍四皆在

堂下階間北面西上設簋簋鉶登邊豆之位於廟堂之上俱東側階之北每座四簋居前四簋次之次以六登

次以六鉶邊豆為後每座異之皆以南為上屈陳而下設洗於東南北向壘水在洗東篚在洗西南肆

篚實以珪瓚巾

爵執樽壘篚冪者各位在樽壘篚冪之後享日未明五

刻太廟令服其服布昭穆之座於戶外自西序以東獻祖太祖高祖高宗座皆北廂南向懿祖代祖太宗中宗睿宗座皆南廂北向每座皆黼扆莞席紛純藻席畫純次席

黼純左右几

省牲器

省牲之日午後十刻廟所諸衛之屬禁斷行人晡後二

刻太廟令丞帥府史三人及齋郎以樽坩罍洗篚罍及

籩豆簋簠鉶登入設於位加以巾盥

諸器物皆濯而陳之其升者自東階

晡

後三刻諸太祝與廩犧令以牲就勝位謁者引太常卿

贊引引御史入詣東階升遍視滌濯於上

凡導引者每曲一還巡於

視濯執樽者舉羣告潔

訖引降就省牲位南向立廩犧令少前曰

請省牲退復位太常卿省牲廩犧令又前北面舉手曰  
脯還本位諸太祝各巡牲一匝西面舉手曰充俱還本  
位諸太祝與廩犧令以次牽牲詣厨授太官謁者引光  
祿卿省鼎鑊申視濯漑贊引引御史就厨省饌具

太常卿以

下每事記各還齋所

進饌者入徹籩豆簋簋鉶登以出享日未明十

五刻太官令帥宰人以鷹刀割牲祝史各取毛血每座  
共實一豆遂烹牲祝史洗肝於鬱鬯又取脾腎每座共實

一豆俱置於饌所

脾腎腸間脂

# 晨裸

享日未明四刻諸享官各服其服太廟令良醞令各帥

其屬入實樽罍

雞彝及諸齊之上尊皆實以明水山罍之上尊實以玄酒鳥尊實以鬱鬯犧尊實以汎齊象尊

實以醴齊著樽實以盎齊壺樽實以醴齊太尊實以汎齊山罍實以清酒

大官令帥進饌者實諸邊

豆簋簠未明三刻奉禮帥贊引者先入就位贊引引御

史太祝博士宮闈令及令史祝史與執樽罍篚罍者入

自東門當階間重行北面西上立定奉禮曰再拜贊者

承傳

凡奉禮有詞贊者皆承傳

御史以下皆再拜訖執樽罍篚罍者

各就位贊引引御史諸太祝詣東陛升堂行掃除於上  
令史祝史行掃除於下訖引降復位太廟令帥其屬陳  
瑞物於廟庭泰階之西上瑞為前列次瑞次之下瑞為  
後列又陳伐國所得寶器上次先後亦如之皆北向西上俱  
藉以席所司各守之未明二刻陳腰輿於東陛之東每室各二皆

西向北上立定贊引引太廟令太祝宮闈令師內外執事  
者以腰輿自東陛升堂詣獻祖室入開塹室太祝宮闈  
令奉出神主置於輿詣座前奉神主置於座訖引太廟

令以下次奉出懿祖次奉出太祖次奉出代祖次奉出

高祖次奉出太宗次奉出中宗次奉出睿宗神主置於

座皆如獻祖之儀

以下皇祖妣神主皆宮闈令奉出俱並霽俱在右

訖引太廟令

以下降復位未明一刻謁者贊引各引享官俱就東門

外位太樂令率工人二舞次入就位文舞入陳於懸

內武舞立於懸南道西

其升堂座者皆脫屣於下降納如常儀

謁者引司

空入就位立定奉禮曰再拜司空再拜謁者引司空詣

東陛升堂行掃除於上降行樂懸於下訖引復位初司

空行樂懸謁者贊引各引獻享官以下次入就位立定

奉禮曰衆官再拜衆官在位者皆再拜

其先拜者不拜

謁者進

太尉之左白有司謹具請行事退復位協律郎跪俯伏

舉麾

凡取物者皆跪俯伏而取以興奠物則奠訖俯伏而後興

鼓祝奏永和之樂

乃以黃鐘為宮大呂為角太簇為徵應鐘為羽作文舞

之舞樂舞九成

黃鐘三奏大呂太簇應鐘各再奏

偃麾戛敔樂止

凡樂皆協

律即舉麾工鼓祝而後作偃麾戛敔而後止

奉禮曰衆官再拜衆官在位者皆再拜謁

者引太尉詣罍洗盥手洗瓚訖謁者引太尉升自東陛

詣獻祖樽彝所執樽者舉罍太尉酌鬱酒訖登歌作肅

和之樂以圜鐘之均

自後登歌皆歌圜鐘

謁者引太尉詣獻祖神

座前北向跪以鬯裸地奠之興謁者引太尉北向再

拜訖謁者引太尉詣懿祖樽彝所取瓚於坫執樽者舉

罍太尉酌鬱酒訖謁者引太尉詣懿祖神座前南向跪

以鬯裸地奠之興謁者引太尉南向再拜訖謁者引

太尉次裸太祖次裸代祖次裸高祖次裸太宗次裸高

宗次裸中宗次裸睿宗並如上儀訖登歌止謁者引太

尉降復位初衆官拜訖祝史各奉毛血及肝膋之豆立於東門外齋郎奉爐炭蕭稷黍各立於肝膋之後於登歌止祝史奉毛血肝膋與奉爐炭蕭稷黍者以次入自正門升自泰階諸太祝各迎取毛血肝膋於階上俱入奠於神座前祝史退立於樽所齋郎奉爐炭皆置於室戶外之左其蕭稷黍各置於爐炭下降自阼階以出諸太祝俱取肝膋出戶燂於爐炭還樽所

饋食

太尉既升裸太官令出帥進饌者奉饌陳於東門之外  
重行西向以南為上謁者引司徒出詣饌所奉獻祖之  
俎初太尉既至位太官令引饌入自正門俎初入門雍  
和之樂作以無射之均

自後按神之樂  
堂下皆奏無射

饌至泰階樂止

祝史俱進徹毛血之豆降自阼階以出饌升諸太祝迎  
引於陞上各設於神座

遵豆蓋畢先徹乃升簋  
簋既奠却其蓋於下

設訖謁

者引司徒以下降自阼階復位諸太祝各取蕭稷黍糯  
於脂燭於爐炭還樽所謁者引太尉詣壘洗手洗爵訖

謁者引太尉升自阼階詣獻祖樽彝所執樽者舉羣太尉酌汎齊訖光大之舞作謁者引太尉詣獻祖神座前北向跪奠爵少東興謁者又引太尉取爵於坫酌汎齊訖北向跪奠爵少西興謁者引太尉少退北向立樂止太祝持版進於座右東面跪讀祝文曰維某年歲次月朔日子孝曾孫開元神武皇帝某謹遣太尉某官封臣某敢昭告於獻祖宣皇帝祖妣宣莊皇后張氏畧運環周歲序云及永懷追慕伏增遠感謹以一元大武柔

毛剛鬣明棗蘇合蘇其嘉蔬嘉薦醴齊肅雍明獻祗薦

禘事尚饗

餘室汎文准此  
太祖以下稱臣

訖興太尉再拜訖又再拜初

讀祝文訖樂作太祝入奠版於神座還樽所太尉拜訖

樂止謁者引太尉詣懿祖樽彝所取爵於坫執樽者舉

罍太尉酌汎齊訖長發之舞作謁者引太尉詣懿祖神

座前南向跪奠爵少西興謁者又引太尉取爵於坫酌

汎齊訖南向跪奠爵少東興謁者又引太尉少退南向

立樂止太祝持版進於座右西向跪讀祝文訖興太尉再

拜又再拜初讀祝文訖樂作太祝進奠版於神座還樽  
所太尉拜訖樂止謁者引太尉詣太祖樽彝所取爵於  
坫執樽者舉冪太尉酌汎齊訖大政之舞作謁者引太  
尉詣太祖神座前北向跪奠爵少東興謁者又引太尉  
取爵於坫酌汎齊訖北向跪奠爵少西興謁者又引太  
尉少退北向立樂止太祝持版進於座右東向跪讀祝  
文訖興太尉再拜訖又再拜初讀祝文訖樂作太祝進  
奠版於神座還樽所太尉拜訖樂止謁者引太尉詣代

祖樽彝所取爵於拈執樽者舉竊太尉酌汎齊訖大成  
之舞作謁者引太尉詣代祖神座前南向跪奠爵少西  
興謁者引太尉取爵於拈酌汎齊訖南向跪奠爵少東  
興謁者引太尉少退南向立樂止太祝持版進於座右  
西向跪讀祝文訖興太尉再拜訖又再拜初讀祝文訖樂  
作太祝進奠版於神座還樽所太尉拜訖樂止謁者引  
太尉詣高祖樽彝所取爵於拈執樽者舉竊太尉酌汎  
齊訖大明之舞作謁者引太尉詣高祖神座前北向跪

奠爵少東興謁者又引太尉取爵於坫酌汎齊訖北向  
跪奠爵少西興謁者引太尉少退北向立樂止太祝持  
版進於座右東向跪讀祝文訖興太尉再拜訖又再拜  
初讀祝文訖樂作太祝進奠版於神座還樽所太尉拜  
訖樂止謁者引太尉詣太宗樽爨所取爵於坫執樽者  
舉罍太尉酌汎齊訖崇德之舞作謁者引太尉詣太宗  
神座前南向跪奠爵少西興謁者又引太尉取爵於坫  
酌汎齊訖南向跪奠爵少東興謁者引太尉少退南向

立樂止太祝持版進於座右西向跪讀祝文訖興太尉  
再拜訖又再拜初讀祝文訖樂作太祝入奠版於神座  
還樽所太尉拜訖樂止謁者引太尉詣高宗樽彝所取  
爵於坫執樽者舉幕太尉酌汎齊訖鈞天之舞作謁者  
引太尉進高宗神座前北向跪奠爵少東興謁者又引  
太尉取爵於坫酌汎齊訖北向跪奠爵少西興謁者引  
太尉少退北向立樂止太祝持版進於座右東向跪讀  
祝文訖興太尉再拜訖又再拜初讀祝文訖樂作太祝

進奠版於神座前還樽所太尉拜訖樂止謁者引太尉詣中宗樽彛所取爵於坫執樽者舉罇太尉酌汎齊訖文和之舞作謁者引太尉進中宗神座前南向跪奠爵少西興謁者又引太尉取爵於坫酌汎齊訖南向跪奠爵少東訖興謁者引太尉少退南向立樂止太祝持版進於座右西向跪讀祝文訖興太尉再拜訖又再拜初讀祝文訖樂作太祝進奠版於神座還樽所太尉拜訖樂止謁者引太尉詣睿宗樽彛所取爵於坫執樽者舉

幕太尉酌汎齊訖景雲之舞作謁者引太尉進睿宗神  
座前南向跪奠爵少西興謁者又引太尉取爵於坫酌  
汎齊訖南向跪奠爵少東訖興謁者引太尉少退南向  
立樂終八節止太祝持版進於座右西向跪讀祝文訖  
興太尉再拜訖又再拜初讀祝文訖樂作太祝進奠版  
於神座還樽所太尉拜訖曲終樂止謁者引太尉進詣  
東序西向立諸太祝各以爵酌巵福酒合置一爵一太  
祝持爵進太尉之左北向立太尉再拜受爵跪祭酒啐

酒奠爵興諸太祝各帥齋郎進俎太祝減神座前三牲

胙肉

皆取前脚第三骨

加於俎又以籩取稷黍飯興還樽所以

胙肉共置一俎上以飯共置一籩以飯授太尉太尉受以授齋郎又以三牲胙肉授太尉太尉每受以授齋郎太尉跪取爵遂飲卒爵太祝進受爵復於坫太尉興再拜謁者引太尉降復位文舞出鼓祝作舒和之樂出訖夏啟樂止武舞入鼓祝作舒和之樂立定夏啟樂止初太尉將復位謁者引太常卿詣罍洗盥手洗爵訖謁者

引太常卿升自阼階詣獻祖樽彛所執樽者舉鼎太常卿酌汎齊訖謁者引太常卿詣獻祖神座前北面跪奠爵少東太常卿再拜訖興謁者引太常卿取爵於坫酌汎齊訖詣神座前北面跪奠爵少西興又再拜謁者引太常卿詣懿祖樽彛所執樽者舉鼎太常卿酌醴齊訖謁者引太常卿詣懿祖神座前南面跪奠爵少西訖興太常卿再拜訖興謁者又引太常卿取爵於坫酌醴齊訖謁者引太常卿詣神坐前南面跪奠爵少東訖興又

再拜謁者引太常卿次獻太祖次獻代祖次獻高祖次  
獻太宗次獻高宗次獻中宗次獻睿宗並如上儀訖謁  
者引太常卿詣東序西向立諸太祝各以爵酌罍福酒  
合置一爵一太祝持爵進太常卿之左北向立太常卿  
再拜受爵跪祭酒遂飲卒爵太祝進受爵復於坵太常  
卿興再拜訖謁者引太常卿降復位初太常卿獻將畢  
謁者引光祿卿詣罍洗盥手洗爵酌盞齊終獻如亞獻  
之儀訖引光祿卿降復位武舞止登歌作諸太祝各進

徹豆還樽所

徹者籩豆各一少移於故處

登歌止奉禮曰賜胙贊者

唱衆官再拜衆官在位者皆再拜

已飲福受胙者不拜

永和之樂

作奉禮曰衆官再拜衆官在位者皆再拜樂一成止謁

者進太尉之左白禮畢謁者贊引各引享官以次出贊

引引御史太祝以下俱復執事位立定奉禮曰再拜御

史以下皆再拜贊引引出工人二舞以次出太廟令與

太祝宮闈令帥腰輿升納神主如常儀其祝版燔於齋


坊

祭七祀

其日總祭  
如臘享

功臣配享

休祿  
享儀



大唐開元禮卷四十二

# 欽定四庫全書

史部

大唐開元禮卷

四十三至  
五十

詳校官編修臣曹錫齡

編修臣程嘉謨覆勘

總校官編修臣王燕緒

校對官中書臣吳俊

謄錄監生臣胡觀瀾

欽定四庫全書

大唐開元禮卷四十三

唐 蕭嵩等 撰

吉禮

肅明皇后廟時享有司攝事

齋戒

陳設

省牲器

晨裸

饋食

齋戒

將享有司卜日如別儀前享七日平明太尉誓百官於尚書省曰某月某日時享於肅明皇后廟各揚其職不供其事國有常刑凡預享之官散齋四日致齋三日

散齋

皆于正寢致齋二日于本司一散齋理事如舊唯不弔

日于齋坊無本司者皆于齋坊

喪問疾不作樂不判署刑殺文書不行刑罰不預穢惡

致齋唯享事得行其餘悉斷其享官已齋而闕者通攝

行事諸享官致齋之日給酒食及明衣各習禮於齋所

光祿卿監取明水火

太官令取水于陰鑒取水于陽燧火以供爨水以賓樽

前享

一日諸衛令其屬未後一刻各以其方器服守衛廟門

每門二人  
每隅一人

與太樂工人俱清齋一宿

### 陳設

前享三日右校清掃內外守宮設享官公卿以下次於  
齋坊之內前享二日太樂令設官懸之樂於廟庭東方  
西方磬簏起北鐘簏次之南方北方磬簏起西鐘簏次  
之設十二鐃鐘於編懸之間各依辰位樹路鼓於北懸  
之內道之左右植建鼓於四隅置祝敔於懸內

祝在左  
敔在右

設歌鐘歌磬於廟堂之上前楹間北向磬簏在西鐘簏

在東其匏竹者立於階間重行北向相對為首

凡懸皆展而編

之諸工人各位於懸後東方西方以北為上南方北方

以西為上前享一日奉禮設享官公卿位於東門之

內道北執事位在道南每等異位俱重行西向以北為

上設御史位於廟堂之下一位於東南西向一位於西

南東向令史各於其後設奉禮位於樂懸東北贊者二

人在南差退俱西面設協律郎位於廟堂之上前楹間

近西東向設太樂令位於北懸之間北向設門外位享  
官公卿以下皆於東門之外道南每等異位重行北面  
西上設牲牐於東門之外當門西向以南為上設廩犧  
令位在牲西南史陪其後俱北向設太祝位於牲東當  
牲後祝史陪其後俱西向設太常卿省牲位於牲前近北  
又設御史位在太常卿之西俱南向設樽彝之位於廟堂  
之上前楹間於室戶之左北向春夏雞彝一鳥彝一犧樽  
二象樽二山罍二秋冬簞彝一黃彝一著樽二壺樽二山

壘二皆加勺簠簠皆以黼皆西上各有坫

以置壘爵

設簋簋鉶

登籩豆之位於堂上俱東側階之北四簋居前四簋次之次以六登次以六鉶籩豆為後皆以南為上屈陳而下設洗於東階東南北向壘水在洗東篚在洗西南

肆

篚實以珪  
爵中爵

執樽壘者位在樽壘之後

省牲器

省牲之日午後十刻廟所諸衛之屬禁斷行人太廟令整拂神帷座晡後二刻太廟令帥府史二人及齋郎以

樽坵罍洗篚簠及籩豆鉶登入設於位加以巾蓋

凡物器皆濯而陳之

晡後三刻太祝與廩犧令以牲就牓位謁

者引太常卿贊引引御史入詣東陛升遍視滌濯於上

凡導引者每曲一逡巡于視滌濯執樽者皆舉簠告潔

訖引降就省牲位南向立

廩犧令少前曰請省牲退復位太常卿省牲廩犧令又

前北面舉手曰臚還本位太祝巡牲一匝西面舉手曰

充還本位太祝與廩犧令以次牽牲詣厨授太官謁者

引光祿卿詣厨省鼎鑊申視濯漑贊引引御史就厨省

饌具

太常卿每事記各運齋所

進饌者入徹邊豆簋簋鉶登以出享

日未明十五刻太官令帥宰人以鸞刀割牲祝史取毛

血共實一豆遂烹牲祝史洗肝於鬱鬯又取脾腎共實

一豆置於饌所

晨裸

享日未明四刻諸享官各服其服太廟令良醢令各率

其屬入實樽罍

雞彝羊彝及犧樽象樽著樽壺樽之上樽皆實以明水山罍之上樽實以玄酒

鳥彝黃彝實以鬱鬯犧樽實以醴齊壺樽實以盞齊山罍實以清酒

太官令帥進饌者實

諸遵豆簋簠未明三刻奉禮帥贊者先入就位贊引引  
御史博士太祝宮闈令及令史祝史與執樽壘篚簠者  
各就位贊引引御史太祝詣東陛升堂行掃除於上令  
史祝史行掃除於下訖引降復位未明二刻贊引引太  
廟令太祝宮闈令詣東陛升堂太祝宮闈令入室開埽  
奉出神主置於座引太廟令以下降復位未明一刻謁  
者贊引各引享官俱就東門外位太樂令帥工人二舞  
次入就位文舞入陳於懸內武舞立於懸南道西

其升  
堂者

皆脫屣於下 謁者引司空入就位立定奉禮曰再拜司  
降納如常

空再拜訖謁者引司空詣東陛升堂行掃除於上降行

樂懸於下訖引復位初司空行樂懸訖贊引引享官以

下次入就位立定奉禮曰衆官再拜衆官在位者皆再

拜訖謁者進太尉之左白有司謹具請行事退復位協

律郎跪俯伏舉麾

凡取物者皆俯伏而取以興奠物則奠訖而後興

鼓祝奏永

和之樂乃以黃鐘之均作文舞之舞樂舞九成

黃鐘三奏大呂

太簇應鐘各再奏

偃麾戛敔樂止

凡樂舉麾而作戛敔而止

奉禮曰衆官再

拜衆官在位者皆再拜謁者引太尉詣壘洗手洗瓚  
訖謁者引太尉升自東階詣樽彝所執樽者舉罍太尉  
酌鬱酒訖登歌作肅和之樂以圜鐘之宮謁者引太尉  
入詣神座前北面跪以鬯裸地奠之興謁者引太尉出  
北向再拜訖登歌止謁者引太尉降復位初衆官拜訖  
祝史奉毛血及肝膋之豆立於東門外齋郎奉爐炭肅  
稷黍立於肝膋之後於登歌止祝史奉毛血肝膋與奉  
爐炭肅稷黍者以次入自正門升自泰階太祝迎毛血肝

膾於階上奠於神座前祝史退立於樽所齋郎以蕭黍各置於爐炭下降自阼階以出太祝取肝膾出戶燂於爐炭還樽所

饋食

太尉既升裸太官令出帥進饌者奉饌陳於東門之外重行西向以南為上謁者引司徒出詣饌所司徒奉饌初太尉既至位太官令引饌入自正門俎初入門雍和之樂作以無射之均饌至階樂止祝史進徹毛血之豆

降自阼階以出饌升太祝迎引於階上設於神座前謁者  
引司徒以下降自阼階復位太祝取蕭稷黍孺於脂燭於  
爐炭還樽所贊者引太尉詣罍洗盥手洗爵訖升自阼  
階詣樽彝所執樽者舉冪太尉酌醴齊訖坤貞之舞作  
謁者引太尉入詣神座前北向跪奠爵出戶北向立樂  
止太祝持版進於室戶外之右東面跪讀祝文曰維某  
年歲次月朔日子孝子開元神武皇帝某謹遣攝太尉  
某官臣某敢昭告於皇妣肅明皇后劉氏氣序流邁時

惟孟春永懷罔極伏增遠感謹以一元大武柔毛剛鬣  
明粢薌合薌其嘉蔬嘉薦醴齊敬修時享以申追慕尚  
饗讀訖興太尉再拜訖又再拜初讀祝文訖樂作太祝  
入奠版於神座出還樽所太尉拜訖樂止太祝以爵酌蠡福  
酒合置一爵一太祝持進太尉之左東向立太尉再拜受爵  
跪祭酒啐酒奠爵興太祝減神前三牲胙肉皆取前脚第二骨加於俎  
又以籩取稷黍飯興還樽所以胙肉置一俎上以飯置  
籩豆以飯授太尉太尉以授齋郎又以俎肉次授太尉

太尉每授卽以授齋郎訖太尉跪取爵遂飲卒爵太祝  
進受爵復於坵太尉興再拜謁者引太尉降復位文舞  
出鼓祝作舒和之樂出訖戛鼓樂止武舞入鼓祝作舒  
和之樂立定戛鼓樂止初太尉將復位謁者引太常卿  
詣罍洗盥手洗爵訖升自阼階詣樽彝所執樽者舉罍  
太常卿酌盞齊武舞作謁者引太常卿入詣神座前北面  
跪奠爵謁者引太常卿出戶北向再拜訖太祝以爵酌  
罍福酒一爵持進太常卿之左北向立太常卿再拜受

爵跪祭酒遂飲卒爵太祝進受爵復於牀太常卿再拜

訖降復位太常卿獻將畢謁者引光祿卿詣壘洗盥手

洗爵酌盞齊之禮一如亞獻之儀訖光祿卿降復位武

舞止登歌作雍和之樂太祝入室徹豆還樽所

徹者邊  
豆各一

少移於  
故處登歌止奉禮曰賜胙贊者唱衆官再拜衆官在

位者皆再拜

已飲福受  
胙者不拜

永和之樂作奉禮曰衆官再拜

衆官在位者皆再拜樂一成止謁者進太尉之左白禮

畢謁者贊引各引享官以次出贊引引御史太祝以下

俱復執事位立定奉禮曰再拜御史以下皆再拜贊引  
引出工人二舞以次出宮闈令納神主如常儀其祝版  
焚於齋坊

大唐開元禮卷四十三

欽定四庫全書

大唐開元禮卷四十四

唐 蕭嵩等 撰

吉禮

孝敬皇帝廟時享有司攝事

齋戒

陳設

省牲器

晨裸

饋食

齋戒

將享有司卜日如別儀前享七日平明太尉誓百官於尚書省曰某月某日時享於孝敬皇帝廟各揚其職不供其事國有常刑凡預祭之官散齋四日致齋三日

散齋

皆于正寢致齋二日于本司一  
日于齋坊無本司皆于齋坊

散齋理事如舊惟不弔

喪問疾不判署刑殺文書不作樂不行刑罰不預穢惡

致齋惟享事得行其餘悉斷其享官已齋而闕者通攝

行事諸享官致齋之日給酒食及明衣各習禮於齋所

光祿卿監取明水火

太官令取水于陰鑒取水于  
陽燧火以供爨水以實樽

前享

一日諸衛令其屬未後一刻各以其方器服守衛廟門

每門二人  
每隅一人與太樂工人俱清齋一宿

### 陳設

前享三日右校清掃內外守宮設享官公卿以下次於齋坊之內前享二日太樂令設宮懸之樂於廟庭東方西方磬簏起北鐘簏次之南方北方磬簏起西鐘簏次之設十二鐃鐘於編懸之間各依辰位樹路鼓於北懸之內道之左右植建鼓於四隅置祝敔於懸內

祝在左  
敔在右

設歌鐘歌磬於廟堂之上前楹間北向磬簾在西鐘簾  
在東其匏竹者立於階間重行北向相對為首

凡懸皆展而編之

諸

工人各位於懸後東方西方以北為上南方北方以西  
為上前享一日奉禮設享官公卿位於東門之內道北  
執事位在這南每等異位俱重行西面以北為上設御  
史位於廟堂之上位於東南南向一位於西南東向  
令史各於其後設奉禮位於樂懸東北贊者二人在南  
差退俱西向設協律郎位於廟堂之上前楹間近西東

向設太樂令位於北懸之間北向設門外位享官公卿  
以下皆於東門之外道南每等異位重行北面西上設  
牲牐於東門之外當門西向以南為上廩犧令位於牲  
西南史陪其後俱北向設太祝位於牲東當牲後祝史  
陪其後俱西向設太常卿省牲位於牲前近北又設御  
史位在太常卿之西俱南向設樽彝之位於堂上前楹  
間於室戶之左北向春夏奠雞彝一鳥彝一犧樽二象  
樽二山罍二秋冬尊彝一黃彝一著樽二壺樽二山罍

二皆加勺簋簋以黼皆西上各有玷

以置  
玷爵

設簋簋鉶登邊

豆之位於堂上俱東側階之北四簋居前四簋次之次以六登次以六鉶邊豆為後皆以南為上屈陳而下設

洗於東陞東南北向罍水在洗東篚在洗西南肆

篚實  
以珪

璫巾  
爵

執樽罍者位在樽罍之後

### 省牲器

省牲之日午後十刻廟所諸衛之屬禁斷行人廟令整拂神幄坐晡後二刻廟令帥府史二人齋郎以樽玷罍

洗篚罍及遵豆鉶登入設於位加以巾蓋凡器物皆濯而

陳之晡後三刻太祝與廩犧令以牲就牂位謁者引

太常卿贊引引御史入詣東陛升遍視滌溉於上凡導引者

每曲一造巡於視濯執樽者皆舉罍告潔訖引降就省牲位南向立廩犧令

少前曰請省牲退復位太常卿省牲廩犧令又前北面

舉手曰脯還本位太祝循牲一匝西面舉手曰充還本

位太祝與廩犧令以次牽牲詣厨授太官謁者引光祿

卿詣厨省鼎鑊申視濯溉贊引引御史就厨省饌具太常

卿以下每事訖各還齋所進饌者入徹邊豆簋簠鉶登以出享日未明

十五刻太官令帥宰人以鸞刀割牲祝史取毛血共實

一豆遂烹牲祝史洗肝於鬱鬯又取胙骨共實一豆置

於饌所

胙骨腸間脂也

晨裸

享日未明四刻諸享官各服其服太廟令良醢令各帥

其屬入實樽罍

雞羹笋羹及犧樽象樽著樽壺樽之上樽實以明水山罍之上樽實以玄酒烏羹黃

羹實以鬱鬯犧樽著樽實以醴齊象樽壺樽實以盞齊山罍實以清酒

太官令帥進饌者實

諸籩豆簋簠未明三刻奉禮帥贊者先入就位贊引  
引御史博士太廟令宮闈令太祝及令史祝史與執樽  
壘篚冪者入自東門當階間重行北面西上立定奉禮  
曰再拜贊者承傳御史以下皆再拜訖執樽壘篚冪者  
各就位贊引引御史太祝詣東陛升堂行掃除於上令  
史祝史行掃除於下訖引降復位未明二刻贊引引太  
廟令太祝宮闈令詣東階升堂入室開埽太祝宮闈令  
奉出神主置於座訖

皇后神主宮闈令奉出並坐而處右

引太廟令以下

降復位未明一刻謁者贊引各引享官俱就東門外位太樂令帥工人二舞以次入就位文舞入陳於懸內武舞立於懸南道西

其升堂者皆脫屣于下降納如常

謁

者引司空入就位立定奉禮曰再拜司空再拜訖謁者引司空詣東陞升堂行掃除於上降行樂懸於下訖引復位初司空行樂懸謁者贊引引享官次入就位立定奉禮曰衆官再拜衆官再拜訖謁者進太尉之左白有司謹具請行事退復位協律郎跪俯伏舉麾

凡取物者皆跪

俯伏而取以興奠  
物則奠訖而後興

鼓祝奏永和之樂乃以黃鐘之均作

文舞之舞樂舞九成

黃鐘三奏大呂太簇應鐘各再奏

偃麾戛敔樂止

凡樂協律郎舉麾工鼓祝而後作偃麾戛敔而後止

奉禮曰衆官再拜衆官在位

者皆再拜謁者引太尉詣盥洗盥洗訖謁者引太尉升

自東階詣樽彝所執樽者舉簋太尉酌鬱酒訖登歌作

肅和之樂以圜鐘之均謁者引太尉入詣神座前北面

跪以鬯裸地奠之興謁者引太尉出戶北面再拜訖登

歌止謁者引太尉降復位初衆官再拜訖祝史取毛血

肝膋之豆立於東門外齋郎奉爐炭蕭稷黍立於肝膋之後於登歌止祝史奉毛血肝膋齋郎奉爐炭蕭稷黍以次入自正門升自泰階太祝迎毛血肝膋於階上入奠於神座前祝史退立於樽所齋郎奉爐加炭皆置於室戶外之左其蕭稷黍各置於爐炭下降自阼階以出太祝取肝膋出戶燂於爐炭復還樽爨所

饋食

太尉既升裸太官令出帥進饌者奉饌陳於東門之外

重行西向以南為上謁者引司徒出詣饌所司徒奉饌  
初太尉既至位太官令引饌入自正門俎初入門雍和  
之樂作以無射之均饌至泰階樂止祝史進徹毛血之

豆降自阼階以出饌升太祝迎引於階上設於神座

豆邊

蓋簾先徹乃升簾簾  
既奠却其蓋於下

設訖謁者引司徒以下降自阼階

復位太祝取蕭於脂燭於爐炭還樽所贊引引太尉  
詣罍洗盥手洗爵訖謁者引太尉升自阼階詣樽罍所  
執樽者舉簾太尉酌醴齊訖承光之舞作謁者引太尉

入詣神座前北向跪奠爵少東興謁者又引太尉取爵於坵酌醴齊訖謁者引入神座前北向跪奠爵少西謁者引太尉出戶北向立樂止太祝持版進於室戶外之右東面跪讀祝文曰維某年歲次月朔日子孝姪開元神武皇帝某謹遣某官攝太尉臣某敢昭告於皇伯考孝敬皇帝哀皇后裴氏氣序流邁時惟孟春永懷罔極伏增遠感謹以一元大武柔毛剛鬣明粢薌合薌其嘉蔬嘉薦醴齊敬修時享以申追慕尚饗訖興太尉再拜

訖又再拜初讀祝文訖樂作太祝入奠版於神座還樽  
所太尉拜訖樂止太祝以爵酌鬯福酒一爵持進太尉  
之左東向立太尉再拜受爵跪祭酒啐酒奠爵興祝史

帥齋郎進俎太祝減神前三牲胙肉

皆取前脚  
第二骨

加於俎

又以籩取稷黍飯興還樽所以胙肉置一俎以飯置一  
籩以飯授太尉太尉每受即以授齋郎訖太尉跪取爵遂  
飲卒爵太祝進受爵復於坫太尉興再拜謁者引太尉  
降復位文舞出鼓柷作舒和之樂出訖戛敔樂止武舞

入鼓祝作舒和之樂立定戛鼓樂止初太尉將復位謁者引太常卿詣壘洗手洗爵訖謁者引太常卿升自阼階詣樽彝所執樽者舉簾太常卿酌盞齊武舞作謁者引太常卿入詣神座前北面跪奠爵少東訖謁者引太常卿出戶北向再拜訖謁者又引太常卿取爵於坫酌盞齊訖謁者引入神座前北向跪奠爵少西訖興謁者引太常卿出戶北面又再拜訖太祝以爵酌壘福酒一爵持進太常卿之左東向立太常卿再拜受爵跪祭

酒遂飲卒爵太祝進受爵復於坫太常卿再拜訖降復  
位太常卿獻將畢謁者引光祿卿詣罍洗盥手洗爵酌  
盥齊之禮一如亞獻之儀訖光祿卿降復位武舞止登  
歌作雍和之樂太祝入室徹豆還樽所徹者邊豆各一  
少移於故處

登歌止奉禮曰賜胙贊者唱衆官再拜衆官在位者皆

再拜

已飲福受  
胙者不拜

永和之樂作奉禮曰衆官再拜衆官在

位者皆再拜樂一成止謁者進太尉之左白禮畢謁者  
贊引各引享官以次出贊引引御史太祝以下俱復執

事位立定奉禮曰再拜御史以下皆再拜贊引引出工人二舞以次出太廟令與太祝宮闈令納神主如常儀其祝版焚於齋坊

大唐開元禮卷四十四

欽定四庫全書

大唐開元禮卷四十五

唐 蕭嵩等 撰

吉禮

皇帝拜五陵

皇后拜五陵

太常卿行諸陵

皇帝拜五陵

將拜陵所司承制内外宣攝隨職供辦前發二日太尉  
告太廟如常儀將作預修理拜謁之所及寢宮務極潔

敬不得喧雜尚舍直長去陵十里所設行宮奉御鋪御座齋室如常儀守宮設從駕百官及皇親諸親客使位及次如常儀尚舍又於謁拜陵所之道西量設小次又於寢宮前之西南設大次東向御座如常儀守宮量設侍臣次於御次西南又設羣官等應陪位者次於侍臣之西南隨地之宜皆東向以北為上文官在北武官在南朝集使於武官之南尚食預備太牢之饌珍羞庶品務極豐潔

太常滌棧牲牢及菜蔬光祿司農及掌祠人供辦如式

拜謁前一日皇

帝至行宮詣齋室仗衛如式陵令以玉冊進御署訖近

臣奉出陵令受訖奉禮設御位於陵東南隅西向

其有山谷

隱暎則隨地設位望陵而拜

又設位於寢宮之內寢殿東階之東南

西向又設百官位於陵所行從官及皇親諸親客使等分方位

於神道之左右相對為首又設百官位於寢宮所大次之前

分方序立如常並隨地之宜拜謁日未明五刻諸衛量

設黃麾大仗於陵寢陳布

諸陵寢舊宿衛人各依本職掌不得移動

未明三

刻從行百官及皇親五等以上諸親三等已上并客使

等應陪者俱就位侍中版奏請中嚴

其布位及進嚴典儀相贊設之

近

仗就陳如常未明一刻侍中版奏外辦皇帝素服乘馬

以出勅侍臣上馬曲直華蓋繖扇侍衛如常儀詣陵西

南小次所控馬以入少頃侍中版奏外辦皇帝步出

次博士引太常卿太常卿前導皇帝至位立太常卿前

奏請再拜

博士與太常卿退立於後

皇帝再拜太常卿又前奏請

再拜皇帝又再拜

有泣無哭

奉禮曰再拜贊者承傳陪位者

皆再拜又再拜訖

凡贊引進退皆通事舍人贊相以後准此

少頃太常卿前奏請

辭皇帝再拜又再拜奉禮曰奉辭贊者承傳陪位者再拜  
又再拜太常卿引皇帝還小次乘馬出次勅侍臣上馬儀  
仗侍衛詣寢宮皇帝從陵迴詣大次乘馬以入其仗衛等  
各立以俟其行從百官及皇親諸親并客使等並依位序  
立於大次之前所司嚴潔具酒饌侍中版奏外辦皇帝步  
出大次博士引太常卿太常卿前導皇帝至寢宮南門仗  
衛停於門外其應從入之官  
臨時奏聽進止博士引太常卿太常卿前導  
皇帝入內門取東廊進至寢殿東階之東南西向立定太

常御前奏再拜訖引皇帝升東階當神座前北面再拜訖又

當皇后神座前再拜訖入進省服翫拂拭床帳勅所司進太

牢之饌加備珍羞陳設

若有太子諸王公主陪奠柩城內者並於寢殿東廊下所司致祭功

臣陪奠者於東廊下各奠饌布位量定獻官行事

太常卿引皇帝出詣酒樽所酌

酒進

其樽沽陳於堂戶外之東南如常儀

皇帝入奠酒三爵訖當神座前北

面立太祝二人對持玉冊於室戶外之右東向一太祝東

向跪讀祝文訖皇帝再拜又再拜若更薦奠服翫即躬自執

陳訖太常卿引皇帝出戶當神座前北面立太常卿奏請

辭皇帝再拜又再拜訖太常卿引皇帝出中門太常卿

前奏請權停

其從官及行事官並出大門外奉候

其守宮使內侍官引內

官帥寢宮內人謁見皇帝出侍衛如常儀還大次少頃

若猶宿即乘馬還行宮若更向前陵即於大次便進發

皆近侍預奏取進

止與仗衛計會

### 皇后拜五陵

所司預設大次於寢宮之東隨地之宜東向鋪御座如  
常又設先朝妃嬪次於大次之南守宮設大長公主長公主及

諸親婦人命婦等次於妃嬪之南皆東向及拜謁之處  
皆障以行帷前一日內謁者設中宮御座於寢宮東大  
次前近東東向又設先朝妃嬪以下位於御位西南各  
於其次之東皆重行東面以北為上又設司贊位於妃  
嬪東北東面掌贊二人在南差退皇帝發行宮後  
皇后乘四望車如常行之式之大次改服假髻白練  
單衣服內典引各引妃嬪以下就位立訖內侍版奏外  
辦司言引尚宮尚宮引皇后

每尚宮前導  
皆司言先引

出就位

尚服  
員琮

寶以從  
如式

立定尚儀前奏再拜退復位皇后再拜司贊曰再拜

掌贊承傳諸陪位者皆再拜少頃尚儀又前奏請再拜

辭皇后再拜司贊曰再拜掌贊承傳諸陪位者皆再拜

尚宮引皇后還大次謁寢宮如常儀皇后初還大次內

典引各引陪位者退皇后拜陵訖於寢宮東大次改服

鈿釵禮衣

若服常服貼  
時聽進止

乘輿詣寢宮尚服負琮寶以從

侍衛如常先朝妃嬪大長公主長公主陪從如常式至

寢宮北門降輿入大次皇帝既入寢宮尚宮引皇后侍

從如常詣寢殿前西階之西東面立其妃嬪公主等陪  
從位於皇后之西南皆東面北上又設司贊位於妃嬪東北  
東面掌贊二人在南差退在位者立定尚儀前奏再拜  
皇后再拜司贊曰再拜掌贊承傳妃嬪以下皆再拜訖  
尚宮引皇后升自西階入室妃嬪公主等仍立於階下詣先帝神座  
前北面再拜訖尚宮又引皇后詣先帝皇后神座前北  
面再拜訖尚宮引皇后進省先后服翫訖引退西廂東  
面立進食訖皇帝出尚宮引皇后從出降自西階復階

下位尚儀奏再拜辭皇后再拜訖司贊曰再拜掌贊承  
傳諸陪位妃嬪等皆再拜尚宮引皇后之大次更衣妃  
嬪以下皆更衣皇帝過皇后出寢宮北門乘四望車  
還行宮侍從如來儀

### 太常卿行諸陵

所司預擇吉日行日之朝車府令具輅車駕一馬清道  
青衣團扇曲蓋繖扇俱詣太常寺門布列以俟守宮預  
於陵南百步道東設次西向北上右校令具翦除利器

以備洒掃太常卿公服乘車奉禮以下公服陪從到次  
降車俾便座奉禮設卿位於北門外之左西向陵官在  
卿位東南執事官又於其南俱西面北上設奉禮位於  
陵官之西西面贊者二人在南少退謁者引太常卿次出  
就位贊引引諸官以次就位立定奉禮曰再拜贊者承  
傳在位者俱再拜謁者引太常卿贊引引諸官以次入  
奉行畢謁者引復位奉禮曰再拜贊者承傳在位者皆  
再拜謁者引太常卿贊引引諸官各就便座少頃乘車

發引次詣諸陵奉行如上儀若應須洒掃及茭雜修理  
皆即隨事處分

大唐開元禮卷四十五

欽定四庫全書

大唐開元禮卷四十六

唐 蕭嵩等 撰

吉禮

皇帝孟春吉亥享先農耕籍

齋戒

陳設

鑾駕出宮

饋享

耕籍

鑾駕還宮

勞酒

齋戒

前祀五日皇帝散齋三日於別殿致齋二日一日於太極殿一日於行宮前致齋一日尚舍奉御設御幄於太極殿西序及室內俱東向尚舍直長張帷於前楹下致齋之日質明諸衛勒所部屯門列仗晝漏上水一刻侍中版奏請中嚴諸衛之屬各督其隊入陳於殿庭如常儀尚舍引文武五品以上袴褶陪位如常式諸近侍之官各服其器服諸侍臣並結珮俱詣閣奉迎侍中版奏

外辦上水三刻皇帝服通天冠絳紗袍結珮乘輿出自  
西房曲直華蓋警蹕侍衛如常儀皇帝即御坐東向坐  
侍中夾侍如常一刻頃侍中前跪奏稱侍中臣某言請  
降就齋室俛伏興還侍位皇帝降坐入室文武侍臣各  
還省直衛者如常儀舍人引陪位者以次出凡預享之  
官散齋三日致齋二日散齋皆於正寢致齋一日於本  
司一日於享所其無本司者則  
一日於  
郊社署近侍之官應從升者及從享羣官諸方客使各  
於享所俱清齋一宿散齋理事如舊唯不弔喪問疾不

作樂不判署刑殺文書不行刑罰不預穢惡致齋唯享  
事得行其餘悉斷其享官已齋而闕者通攝行事諸享  
官致齋之日給酒食及明衣各習禮於齋所光祿卿監  
取明水火太官令取水於陰鑒取火於陽燧火以供爨水以實尊前享一日諸衛  
令其屬未後一刻各以其方器服守衛壝門每門二人每隅一人  
與太樂工人俱清齋一宿

陳設

前享三日尚舍直長施大次於外壝東門之內道北南

向尚舍奉御鋪御坐守宮設文武侍臣次於大次之後  
文官在左武官在右俱南向設諸享官次於東壝之外  
道南從事文官九品以上於享官之東東方南方朝集  
使於文官之東東方南方蕃客又於其東俱每等異位  
北向西上介公鄙公於西壝之外道南武官九品已上於介  
公鄙公之西西方北方朝集使於武官之西西方北方蕃客  
又於其西俱每等異位北向東上

其儀聖侯於文官三  
品之下諸州使人分

方位於朝  
集使之後

設饌幔於內壝東門之外道南北向前享二

日太樂令設宮懸之樂於壇南內壝之內東方西方磬  
簋起北鐘簋次之南方北方磬簋起西鐘簋次之設十  
二罇鐘於編懸之間各依辰位樹路鼓於北懸之內道  
之左右植建鼓於四隅置祝敔於懸內祝在左敔在右  
設歌鐘歌磬於壇上近南北向磬簋在西鐘簋在東其  
匏竹者立於壇下重行北向相對為首

凡懸皆展  
而編之

諸工

人各位於懸後東方西方以北為上南方北方以西為  
上右校掃除壇之内外又為瘞瘞於壇之土地外壝之

內方深取足容物南出陛前享一日奉禮設御坐於壇之東南西向設望瘞位於壇西南當瘞北向設享官公卿位於內壝東門之內道南執事者位於其後每等異位俱重行西向北上設御史位於壇下一位於東南西向一位於西南東向令史各陪其後設奉禮位於樂懸東北贊者二人在南差退俱西向又設奉禮贊者位於瘞西南東面設協律郎位於壇上南陛之西東向設太樂令位於北懸之間當壇北向設從享之官位文官九

品以上於執事之南東方南方朝集使於文官之南東方南方蕃客又於其南俱每等異位重行西面北上鄒公介公位於南壇西門之內道南武官九品已上於鄒公介公之後西方北方朝集使於武官之南西方北方

蕃客又於其南俱每等異位重行東面北上

其衆聖侯於大官三

品之下諸州使人分方位于朝集使之後

又設享官及從享羣官等門外位

於東西壇門之外道南皆如設次之式又設御耕籍位於外壇南門之外十步所南向設從耕位三公諸王諸尚書

諸卿位於御坐東南重行西向各依推數為列其公王  
尚書卿等非耕者位於耕者之東重行西向俱北上鄼  
公介公位於御坐西南東向以北為上尚舍設御耒席  
於三公之北少西南向奉禮又設司農卿位於御耒席東  
少南西向廩犧令於司農卿之南少退諸執耒耜者位  
於公卿耕者之後非耕者之前西向御耒耜一具三公耒耜三具諸王尚書卿各正位三人合耒耜九具以下太常各令藉田農人執之設酒尊之位於壇上  
神農氏犧尊二象尊二山罍二在東南隅北向后稷氏

犧尊二象尊二山罍二在神農氏酒樽之東俱北向西上

尊皆加勺

罍有站以置爵

設御洗於壇南陞東南亞獻之洗於東陞之南

俱北向執尊罍篚罍者各位於尊罍篚罍之後設幣篚於

壇上各於尊站之所晡後郊社令帥齋郎以尊站罍洗

篚罍入設於位

升壇者自東陞

謁者引光祿卿詣厨視濯漑凡導

引者每曲一逡巡

贊引引御史詣厨省饌具

光祿卿以下每事訖各還齋所

享

日未明十五刻太官令帥宰人以鸞刀割牲祝史以豆

取毛血各置於饌所遂烹牲未明五刻太史令郊社令

各服其服升設神農氏神坐於壇上北方南向設后稷氏神坐於東方西向席皆以莞設神坐於坐首

鑾駕出宮

前出三日本司宣攝內外各供其職尚舍設行宮於壇南東向隨地之宜守宮設從享官五品以上次於承天門外東西朝堂如常前二日太樂令設宮懸之樂於殿庭如常儀駕出懸而不作其日晝漏上水五刻鑾駕發引發引

前七刻槌一鼓為一嚴

三嚴時節前一日侍中奏裁

前五刻槌二鼓

為再嚴侍中版奏請中嚴奉禮設從事群官五品以上位於東朝堂之前西向武官於西朝堂之前東向俱重行北上從事群官五品以上依時刻俱集朝堂次各服

其服

其六品以下及郎公介公履聖侯朝集使諸方客使等並依駕出之日赴享所

所司陳大

駕鹵簿前二刻槌三鼓為三嚴諸衛之屬各督其隊與鉞戟以次入陳於殿庭謁者引從事群官各就朝堂前位諸侍衛之官各服其器服侍中中書令以下俱就西階奉迎

侍中負實如式

乘黃令進耕根車於太極殿西階之前

南向千牛將軍一人執長刀立於車前北面黃門侍郎  
一人在侍臣之前贊者二人又在黃門侍郎之前侍中  
版奏外辨太僕卿奮衣而升正立執轡皇帝齋服乘輿  
以出降自西階稱警蹕蹕如常儀千牛將軍前執轡皇帝  
升車太僕卿立授綏侍中中書令以下夾衛如常乘黃  
令進耒耜太僕卿受之載於御者之間黃門侍郎進當  
鑾駕前跪奏稱黃門侍郎臣某言請鑾駕發引俛伏興  
退復位

凡黃門侍郎奏請皆進鑾駕前跪  
奏稱某官臣某言訖俛伏興

鑾駕動又稱

警蹕黃門侍郎與贊者夾引以出千牛將軍夾車而趨  
駕出承天門至侍臣上馬所黃門侍郎奏稱請鑾駕權  
停勅侍臣上馬侍中前承制退稱制曰可黃門侍郎退稱侍  
臣上馬贊者承傳文武侍臣皆上馬諸侍衛之官各督其屬  
左右翊駕在黃麾內符寶郎奉六寶與殿中監後部從  
在黃鉞內侍中中書令以下夾侍於車前贊者在供奉  
官人內侍臣上馬畢黃門侍郎奏稱請勅車右升侍中  
前承制退稱制曰可黃門侍郎退復位千牛將軍升訖

黃門侍郎奏鑾駕發引退復位鑾駕動稱警蹕鼓傳音如常不鳴鼓吹不得喧嘩其從事之官在玄武隊後如常儀駕將至諸享官俱朝服結珮謁者引立於次前重行北面西上駕過引下還齋所駕至行宮南門外迴車南向將軍降立於車右侍中進當鑾駕前跪奏稱臣侍中臣某言請降車俛伏興還侍位皇帝降車乘輿入繖扇華蓋侍衛警蹕如常儀宿衛如式乘黃令受耒耜掌之謁者贊引從事官通事舍人分引文武群官五

品以上集行宮朝堂前文左武右舍人承旨勅羣官等各還次

饋享

享日未明三刻諸享官及從享之官各服其服郊社令

良醞令帥其屬入實尊罍及幣

犧尊實以醴齊象尊實以盎齊山罍實以清酒

齊皆加明水酒皆加玄酒各實於上尊祀神幣皆以青色

太官令帥進饌者實諸簋

豆簋簋等入設饌幔內未明二刻奉禮帥贊者先入就

位贊引引御史諸太祝及令史祝史與執尊罍篚幕者入

自東門當壇南重行北面西上立定奉禮曰再拜贊者

承傳

凡奉禮有詞贊者皆承傳

御史以下皆再拜訖執尊罍篚幕者

各就位贊引引御史諸太祝詣壇東陞升行掃除於上

令史祝史行掃除於下訖引降就位未明一刻謁者贊

引各引掌官及從事羣官客使等俱就門外位太樂令

帥工人二舞次入就位文舞入陳於懸內武舞立於懸

南道西

其升壇者皆脫履于下降納如常

謁者引司空入就位立定奉

禮曰再拜司空再拜訖謁者引司空詣壇東陞升行掃

除於上降行樂懸於下訖引復位初司空行樂懸謁者贊引各引享官及從享官客使等次入就位初未明三刻諸衛列大駕仗衛陳設如式侍中版奏請中嚴乘黃令進耕根車於行宮南門外迴車南向

若行宮壇相連嚴警如式

未

明一刻侍中版奏外辦質明皇帝服袞冕乘輿以出

繖扇華蓋侍衛如常儀

侍中負璽陪從如式

皇帝升車訖乘黃令

進耒耜太僕受載如初黃門侍郎奏請鑾駕發引還侍

位鑾駕動稱警蹕如常千牛將軍夾車而趨

若行宮去壇連奏升

車如式駕至大次門外迴車南向侍中進當鑾駕前跪奏

稱侍中臣某言請降車俛伏興還侍位皇帝降車乘輿之大次繖扇華蓋侍衛如常儀郊社令以祝版進御署訖近臣奉出郊社令受各奠於坵初皇帝降車訖乘黃令受耒耜授廩犧令而橫執之左其耜之耕所置於席遂守之

凡執耒耜皆橫之授則先其耒後其耜

皇帝停大次半刻頃太

常博士引太常卿立於大次門外當門北向侍中版奏外辦皇帝出次華蓋侍衛如常儀博士引太常卿太常

卿引皇帝

凡太常卿前導皆博士先引

至內壝門外殿中監進大珪

尚衣奉御又以鎮珪授殿中監殿中監受進皇帝搢大

珪執鎮珪華蓋伏衛停於門外近侍省衛從入如常儀皇

帝至版位西向立

每立定太常與博士退立于左

太常卿前奏稱請再

拜退復位皇帝再拜奉禮曰衆官再拜衆官在位者皆

再拜

其先拜者不拜

太常卿前奏有司謹具請行事退復位協

律郎跪俛伏興舉麾

凡取物者皆跪俛伏取以興奠物則奠訖俛伏而後興

鼓祝

奏永和之樂以姑洗之均

自後壇下接神樂皆奏姑洗

作文舞之舞

樂舞三成偃麾戛鼓樂止

凡樂皆協律郎舉麾工鼓祝而後作偃麾戛鼓而後止

太

常卿前奏稱請再拜退復位皇帝再拜奉禮曰衆官再拜衆官在位者皆再拜太祝俱取幣於篚各立於尊所

太常卿引皇帝太和之樂作

皇帝每行皆作太和之樂

皇帝詣壇升

自南陞侍中中書令以下及左右侍衛量人從升

以下皆如

之皇帝升壇北向立樂止太祝以幣授侍中侍中受幣

東向進皇帝搢鎮圭受幣

凡受物皆搢鎮圭奠訖執鎮圭俛伏興

登歌作

肅和之樂以南呂之均太常卿引皇帝進北面跪奠於

神農氏神坐俛伏興太常卿引皇帝少退北向再拜訖  
太常卿引皇帝又立於西方東向又太祝以幣授侍中  
侍中受幣北向進皇帝受幣太常卿引皇帝進東面跪  
奠於后稷氏神坐俛伏興太常卿引皇帝少退東面再  
拜訖登歌止太常卿引皇帝樂作皇帝降自南陛還版  
位西向立樂止初羣官拜訖祝史奉毛血之豆立於門  
外登歌止祝史奉毛血入升自南陛配坐升自東陛太  
祝迎取於壇上進奠於神坐前太祝與祝史退立於尊

所皇帝既升奠幣太官令出帥進饌者奉饌陳於內墻  
門外謁者引司徒出謁饌所司徒奉神農之俎皇帝  
既至版位樂止太官令引饌入俎初入門雍和之樂作  
饌至陞樂止祝史進跪徹毛血之豆降自東陞以出神  
農氏之饌升自南陞配坐之饌升自東陞太祝迎引於  
壇上各設於神坐前  
通豆蓋幕先徹乃升蓋  
簋既奠却其蓋於下設訖謁者  
引司徒以下降自東陞復位太祝各還樽所太常卿引  
皇帝詣罍洗樂作皇帝至罍洗樂止侍中跪取匱興沃

水又侍中跪取盤興承水皇帝盥手黃門侍郎跪取巾  
於篚興進皇帝悅手訖黃門侍郎受巾跪奠於篚興進  
爵皇帝受爵倚中酌鬯水又侍中奉盤皇帝洗爵黃門  
侍郎又授巾皆如初皇帝拭爵訖侍中奠盤匱黃門侍  
郎受巾奠於篚皆如初太常卿引皇帝樂作皇帝詣壇  
升自南陛樂止謁者引司徒升自東陛立於尊所齋郎  
奉俎從升立於司徒之後太常卿引皇帝詣神農氏酒  
樽所執尊者舉幕侍中贊酌醴齊訖壽和之樂作

皇帝  
每酌

獻及飲福皆作壽和之樂

太常卿引皇帝進神農氏神坐前北向  
跪奠爵俛伏興太常卿引皇帝少退北面立樂止太  
祝持版進於神坐之右東面跪讀祝文曰維某年歲  
次月朔日子嗣開元神武皇帝某敢昭告於帝神農氏  
獻春伊始東作方興率由典則恭事千畝謹以制幣犧  
齊粢盛庶品肅備恒祀陳其明薦以后稷配神作主尚  
饗訖興皇帝再拜初讀祝文訖樂作太祝進跪奠版於  
神坐興還尊所皇帝拜訖樂止太常卿引皇帝詣后稷

氏酒樽所執樽者舉罍侍中取爵于玷進皇帝受爵  
侍中贊酌醴齊訖樂作太常卿引皇帝進后稷氏神  
坐前東向跪奠爵俛伏興太常卿引皇帝少退東向  
立樂止太祝持版進於神坐之左北向跪讀祝文曰  
維某年歲次月朔日子嗣開元神武皇帝某敢昭告  
于后稷氏土膏覲起爰循耕藉用薦恒祀于帝神  
農氏惟神功叶稼穡實允昭配謹以制幣犧齊  
粢盛庶品式陳明薦作主侑神尚饗訖興皇帝再拜

初讀祝文訖樂作太祝進跪奠版於神坐前俛伏興還  
尊所皇帝拜訖樂止太常卿引皇帝進神農氏神坐前  
北面立樂作太祝各以爵酌上尊福酒合置一爵一太  
祝持爵授侍中侍中受爵西向進皇帝再拜受爵跪祭  
酒啐酒奠爵俛伏興太祝帥齋郎進俎太祝減神農前  
三牲胙肉皆取前脚第二骨各置一俎上又以籩豆取稷黍飯  
共置一籩太祝先以飯籩授司徒司徒受西向進皇帝  
受以授左右又以胙肉授司徒司徒受俎以次進皇帝

每受以授左右謁者引司徒降復位皇帝跪取爵遂飲卒爵  
侍中進受爵以授太祝太祝受爵復於坵皇帝俛伏興  
再拜樂止太常卿引皇帝樂作皇帝降自南陛還版位  
西向立樂止文舞出鼓祝作舒和之樂出訖戛敔樂止  
武舞入鼓祝奏舒和之樂立定戛敔樂止皇帝將復位  
謁者引太尉詣罍洗盥手洗爵謁者引太尉自東陞升  
壇詣神農氏象尊所執尊者舉罍太尉酌盞齊武舞作  
謁者引太尉進神農氏神坐前北向跪奠爵興謁者引

太尉少退北向再拜謁者引太尉詣后稷氏象尊所取爵於坫執尊者舉冪太尉酌盞齊謁者引太尉進后稷氏神坐前東面跪奠爵興謁者引太尉少退東向再拜謁者引太尉進神農神座前北向立太祝各以尊酌壘酒合置一爵一太祝持爵進太尉之右西向立太尉再拜受爵跪祭酒遂飲卒爵太祝進受爵復於坫太尉興再拜謁者引太尉降復位初太尉獻將畢謁者引光祿卿詣壘洗盥手洗爵升酌盞齊終獻如亞獻之儀

訖謁者引光祿卿降復位武舞止諸太祝各進跪徹豆

興還尊所

徹者遽豆各一少移於故處

奉禮曰賜胙贊者唱衆官再

拜衆官在位者皆再拜

已飲福者不拜

永和之樂作太常卿前

奏稱請再拜退復位皇帝再拜奉禮曰衆官再拜衆官

在位者皆再拜樂一成止太常卿前奏請就望瘞位奉

禮帥贊者就瘞埽西南位太常卿引皇帝太和之樂作

皇帝就望瘞位北向立樂止於群官將拜太祝各執籥

進神坐前取幣各由其陛降壇詣埽以幣置於埽訖奉

禮曰可瘞禬東西廂各四人真土半禬太常卿前奏禮畢請就耕籍位太常卿引皇帝樂作皇帝詣耕位南向立樂止初白禮畢奉禮帥贊者還本位

### 耕籍

皇帝將詣望瘞位謁者引三公及應從耕侍耕者各就耕位司農先就位諸執耒者皆就位皇帝初詣耕位廩犧令進詣御耒席南北面跪俛伏播笏解韜出耒執耒起少退北面立司農卿進受耒以授侍中侍中奉耒進

皇帝受以三推侍中受耒耜反於司農司農反於廩犧  
令訖還本位廩犧令復耒於韜執耒起復位立皇帝  
初耕執耒者以耒耜各授侍耕者皇帝耕訖三公諸王  
五推尚書卿九推訖執耒者前受耒耜退復位侍中前  
奏禮畢退復位太常卿引皇帝自南門還大次樂作皇  
帝出內墮東門殿中監前受鎮珪以授尚衣奉御殿中  
監又前受大珪華蓋侍衛如常儀皇帝入次樂止謁者  
贊引各引享官及從享群官諸方客使以次出贊引各

引御史太祝以下俱復執事位立定奉禮曰再拜御史以下皆再拜贊引引出工人二舞以次出太常卿帥其屬以次耕於千畝其祝版燔於齋坊

### 鑾駕還宮

皇帝既還大次侍中版奏請解嚴

將軍不得  
輒離部伍

皇帝停大

次一刻頃槌一鼓為一嚴轉仗衛於還塗如來儀三刻頃槌二鼓為再嚴將士布隊仗侍中版奏請中嚴皇帝通天冠絳紗袍諸享官服朝服五刻頃槌三鼓為三嚴通事

舍人各引羣官客使序立於大次之前近南文武侍臣  
詣大次門外南向千牛將軍立於車右侍中版奏外辦  
太僕卿升執轡皇帝乘輿出次繖扇侍衛警蹕如常儀  
皇帝升車太僕卿立授綏黃門侍郎奏稱請鑾駕發引  
退復位鑾駕動稱警蹕如常儀黃門侍郎贊引夾引千  
牛將軍夾車而趨至侍臣上馬所黃門侍郎奏稱請鑾  
駕權停勅侍臣上馬侍中前承制退稱制曰可黃門侍  
郎退稱侍臣上馬贊者承傳文武侍臣皆上馬畢黃門

侍郎奏稱請勅車右升侍中稱制曰可黃門侍郎退復位千牛將軍升訖黃門侍郎奏稱請鑾駕發引退復位鼓傳音鑾駕動鼓吹振作而還文武羣官皆從如來儀諸方客使便還館駕至承天門外侍臣下馬所鑾駕權停文武侍臣皆下馬千牛將軍降立於車右訖鑾駕動千牛將軍夾車而趨駕入嘉德門太樂令撞蕤賓之鐘左五鐘右五鐘皆應鼓柷奏采芡之樂至太極門戛鼓樂止入太極殿鼓柷奏太和之樂駕至橫街北當東上

閣迴車南向侍中進當鑾駕前跪奏稱侍中臣某言請  
降車俛伏興還侍位皇帝降車步輿以入繖扇侍衛警  
蹕如常儀侍臣從至閣扈敵樂止初文武群臣至東朝  
堂通事舍人承旨勅群官並還皇帝既入侍中版奏請  
解嚴叩鉦將士各還其所

勞酒

車駕還宮之明日設會於太極殿如元會之儀

唯不賀  
不上壽

為  
異

[illegible]

欽定四庫全書

大  
唐  
開  
元  
禮  
卷  
四  
十  
六

大  
唐  
開  
元  
禮  
卷  
四  
十  
六